

歷代大儒詩鈔卷十六

滇西趙州後學谷際岐西阿甫彙鈔

司馬子一

受業

諸子

一校

男

一校

一校

欽定宋史列傳

司馬光字君實陝州夏縣人也父池天章閣待制光生七歲稟然如成人聞講左氏春秋愛之退為家人講卽了其大指自是手不釋書至不知飢渴寒暑羣兒戲於庭一兒登甕足跌沒水中衆皆棄去光持石擊甕破之

歷代大儒詩鈔

卷十六

司馬子一

一

采蘭堂

水迸兒得活其後京洛閒畫以為圖仁宗寶元初中進士甲科年甫冠性不喜華靡聞喜宴獨不戴花同列語之曰君賜不可違乃簪一枝除奉禮郎時池在杭求簽蘇州判官事以便親許之丁內外艱執喪累年毀瘠如禮服除簽書武成軍判官事改大理評事補國子直講樞密副使龐籍薦為館閣校勘同知禮院中官麥允言死給鹵簿光言繁縷以朝孔子且猶不可允言近習之臣非有元勳大勞而贈以三公官給一品鹵簿其視繁縷不亦大乎夏竦賜諡文正光言此諡之至美者竦何

人可以當之改文莊加集賢校理從龐籍辟通判并州
麟州屈野河西多良田夏人蠶食其地爲河東患籍命
光按視光建築二堡以制夏人募民耕之耕者衆則糴
賤亦可漸紓河東貴糴遠輸之憂籍從其策而麟將郭
恩勇且狂引兵夜渡河不設備沒於敵籍得罪去光三
上書自引咎不報籍沒光升堂拜其妻如母撫其子如
昆弟時人賢之改直祕閣開封府推官交趾貢異獸謂
之麟光言真僞不可知使其真非自至不足爲瑞願還
其獻又奏賦以風修起居注判禮部有司奏日當食故
歷代大儒詩鈔

卷十六

司馬子

二

采蘭堂

事食不滿分或京師不見皆表賀光言四方見京師不
見此人君爲陰邪所蔽天下皆知而朝廷獨不知其爲
災當益甚不當賀從之同知諫院蘇轍答制策切直考
官胡宿將黜之光言轍有愛君憂國之心不宜黜詔寘
末級仁宗始不豫國嗣未立天下寒心而莫敢言諫官
范鎮首發其議光在并州聞而繼之且貽書勸鎮以死
爭至是復面言臣昔通判并州所上三章願陛下果斷
力行帝沉思久之曰得非欲選宗室爲繼嗣者乎此忠
臣之言但人不敢及耳光曰臣言此自謂必死不意陛

下開納帝曰此何害古今皆有之光退未聞命復上疏
曰臣向者進說意謂卽行今寂無所聞此必有小人言
陛下春秋鼎盛何遽爲不祥之事小人無遠慮特欲倉
卒之際援立其所厚善者耳定策國老門生天子之禍
可勝言哉帝大感動曰送中書光見韓琦等曰諸公不及
今定議異曰禁中夜半出寸紙以某人爲嗣則天下莫
敢違琦等拱手曰敢不盡力未幾詔英宗判宗正辭不
就遂立爲皇子又稱疾不入光言皇子辭不貲之富至
於旬月其賢於人遠矣然父名無諾君命召不俟駕願
歷代大儒詩鈔

卷十六

司馬子

三

采蘭堂

以臣子大義責皇子宜必入英宗遂受命堯國公主嫁
李瑋不相能詔出瑋衛州母楊歸其兄璋主入居禁中
光言陛下追念章懿太后故使瑋尙主今乃母子離析
家事流落獨無雨露之感乎瑋旣黜主安得無罪帝悟
降主沂國待李氏恩不衰進知制誥固辭改天章閣待
制兼侍講知諫院時朝政頗姑息胥吏喧譁則逐中執
法輦官悖慢則退宰相衛士凶逆而獄不窮治軍卒置
三司使而以爲非犯階級光言皆陵遲之漸不可以不
正充媛董氏薨贈淑妃輟朝成服百官奉慰定諡行冊

禮葬給鹵簿光言董氏秩本微病革方拜充媛古者婦人無謚近制惟皇后有之鹵簿本以賞軍功未嘗施於婦人唐平陽公主有舉兵佐高祖定天下功乃得給至韋庶人始令妃主葬日皆給鼓吹非令典不足法時有司定後宮封贈法后與妃俱贈三代光論妃不當與后同袁盎引卻慎夫人席正爲此耳天聖親郊太妃止贈二代而況妃乎英宗立遇疾慈聖光獻后同聽政光上疏曰昔章憲明肅有保佑先帝之功特以親用外戚小人負謗海內今攝政之際大臣忠厚如王曾清純如張

歷代大儒詩鈔

卷十六

司馬子

四

采蘭堂

知白剛正如魯宗道質直如薛奎者當信用之猥鄙如馬季良讒諂如羅崇勳者當疎遠之則天下服帝疾愈光料必有追隆本生事卽奏言漢宣帝爲孝昭後終不追尊衛太子史皇孫光武上繼元帝亦不追尊鉅鹿南頓君此萬世法也後詔兩制集議濮王典禮學士王珪等相視莫敢先光獨奮筆書曰爲人後者爲之子不得顧私親王宜準封贈期親尊屬故事稱爲皇伯高官大國極其尊榮議成珪卽命吏具以手橐爲案旣上與大臣意殊御史六人爭之力皆斥去光乞留之不可遂請

與俱貶初西夏遣使致祭延州指使高宜押伴傲其使者侮其國主使者訴於朝光與呂誨乞加宜罪不從明年夏人犯邊殺掠吏士趙滋爲雄州專以猛悍治邊光論其不可至是契丹之民捕魚界河伐柳白溝之南朝廷以知雄州李中祐爲不材將伐之光謂國家當戎夷附順時好與之計較末節及其桀驁又從而姑息之近者西禍生於高宜北禍起於趙滋時方賢此二人故邊臣皆以生事爲能漸不可長宜勅邊吏疆場細故輒以矢刃相加者罪之仁宗遺賜直百餘萬光率同列三上

歷代大儒詩鈔

卷十六

司馬子

五

采蘭堂

章謂國有大憂中外窘乏不可專用乾興故事若遺賜不可辭宜許侍從上進金錢佐山陵不許光乃以所得珠爲諫院公使錢金以遺舅氏義不藏於家后還政有司立式凡后有所取用當覆奏乃供光云當移所屬使立供已乃具數白后以防矯僞曹佾無功除使相兩府皆遷官光言陛下欲以慰母心而遷除無名則宿衛將帥內侍小臣必有覬望已而遷都知任守忠等官光復爭之因論守忠大姦陛下爲皇子非守忠意沮壞大策離間百端賴先帝不聽及陛下嗣位反覆交構國之大

賊乞斬於都市以謝天下責守忠爲節度副使蘄州安
置天下快之詔刺陝西義勇二十萬民情驚撓而紀律
疎略不可用光抗言其非持白韓琦琦曰兵貴先聲諒
祚方桀驚使驟聞益兵二十萬豈不震懼光曰兵之貴
先聲爲無其實也獨可欺之於一日之閒耳今吾雖益
兵實不可用不過十日彼將知其詳尚何懼琦曰君但
見慶歷閒鄉兵刺爲保捷憂今復然已降勅榜與民約
永不充軍戍邊矣光曰朝廷嘗失信民未敢以爲然雖
光亦不能不疑也琦曰吾在此君無憂光曰公長在此

歷代大儒詩鈔

卷十六

司馬子

六 采蘭堂

地可也異日他人當位因公見兵用之運糧戍邊反掌
閒事耳琦默然而訖不爲止不十年皆如光慮王廣淵
除直集賢院光論其姦邪不可近昔漢景帝重衛綰周
世宗薄張美廣淵當仁宗之世私自結於陛下豈忠臣
哉宜黜之以勵天下進龍圖閣直學士神宗卽位擢爲
翰林學士光力辭帝曰古之君子或學而不文或文而
不學惟董仲舒楊雄兼之卿有文學尙辭爲對曰臣不
能爲四六帝曰如兩漢制詔可也且卿能進士取高第
而云不能四六何耶竟不獲辭御史中丞王陶以論宰

相不押班罷光代之光言陶由論宰相罷則中丞不可復爲臣願俟旣押班然後就職許之遂上疏論修心之要三曰仁曰明曰武治國之要三曰官人曰信賞曰必罰其說甚備且曰臣獲事三朝皆以此六言獻平生力學所得盡在是矣御藥院內臣國朝常用供奉官以下至內殿崇班則出近歲暗理官資非祖宗本意因論高居簡姦邪乞加遠竄章五上帝爲出居簡盡罷寄資者旣而復留二人光又力爭之張方平參知政事光論其不叶物望帝不從還光翰林兼侍讀學士光常患歷代

歷代大儒詩鈔

卷十六

司馬子

七

采蘭堂

史繁人主不能遍覽遂爲通志八卷以獻英宗悅之命置局祕閣續其書至是神宗名之曰資治通鑑自製序授之俾日進讀詔錄賴邠直省官四人爲閣內祇候光曰國初草創天步尚艱故御極之初必以左右舊人爲腹心耳目謂之隨龍非平日法也閣門祇候在文臣爲館職豈可使廝役爲之西戎部將鬼名山欲以橫山之衆取諒祚以降詔邊臣招納其衆光上疏極論以爲名山之衆未必能制諒祚幸而勝之滅一諒祚生一諒祚何利之有若其不勝必引衆歸我不知何以待之臣恐

朝廷不獨失信諒祚又將失信於名山矣若名山餘衆
尙多還北不可入南不受窮無所歸必將突據邊城以
救其命陛下不見侯景之事乎上不聽遣將种諤發兵
迎之取綏州費六十萬西方用兵蓋自此始矣百官上
尊號光當答詔言先帝親郊不受尊號末年有獻議者
謂國家與契丹往來通信彼有尊號我獨無於是復以
非時奉冊昔匈奴曠自稱天地所生日月所置匈奴
大單于不聞漢文帝復爲大名以加之也願追述先帝
本意不受此名帝大悅手詔獎光使善爲答詞以示中
歷代大儒詩鈔

卷十六

司馬字一

八

采蘭堂

外執政以河朔旱傷國用不足乞南郊勿賜金帛詔學
士議光與王珪王安石同見光曰救災節用宜自貴近
始可聽也安石曰常袞辭堂饌時以爲袞自知不能當
辭位不當辭祿且國用未足非當世急務所以不足者
以未得善理財者故也光曰善理財者不過頭會箕斂
耳安石曰不然善理財者不加賦而國用足光曰天下
安有此理天地所生財貨百物不在民則在官彼設法
奪民其害乃甚於加賦此蓋桑宏羊欺武帝之言太史
公書之以見其不明耳爭議不已帝曰朕意與光同然

姑以不允答之會安石草詔引常袞事責兩府兩府不敢復辭安石得政行新法光逆疏其利害邇英進讀至曹參代蕭何事帝曰漢常守蕭何之法不變可乎對曰寧獨漢也使三代之君常守禹湯文武之法雖至今存可也漢武取高帝約束紛更盜賊半天下元帝改孝宣之政漢業遂衰由此言之祖宗之法不可變也呂惠卿言先王之法有一年一變者正月始和布法象魏是也有五年一變者巡狩考制度是也有三十年一變者刑罰世輕世重是也光言非是其意以風朝廷耳帝問光

歷代大儒詩鈔

卷十六

司馬子

九 采蘭堂

光曰布法象魏布舊法也諸侯變禮易樂者王巡守則誅之不自變也刑新國用輕典亂國用重典是爲世輕世重非變也且治天下譬如居室敝則修之非大壞不更造也公卿侍從皆在此願陛下問之三司使掌天下財不才而黜可也不可使執政侵其事今爲制置三司條例司何也宰相以道佐人主安用例苟用例則胥吏矣今爲看詳中書條例司何也惠卿不能對則以他語詆光帝曰相與論是非爾何至是光曰平民舉錢出息尚能蠶食下戶況縣官督責之威乎惠卿曰青苗法願

取則與之不願不强也光曰愚民知取債之利不知還債之害非獨縣官不强富民亦不强也昔太宗平河東立糴法時米斗十錢民樂與官爲市其後物貴而和糴不解遂爲河東世世患臣恐異日之青苗亦猶是也帝曰坐倉糴米何如坐者皆起光曰不便惠卿曰糴米百萬斛則省東西之漕以其錢供京師光曰東南錢荒而粒米狼戾今不糴米而漕錢棄其有餘取其所無農末皆病矣侍講吳申起曰光言至論也他日畱對帝曰今天下洵洵者孫叔敖所謂國之有是衆之惡也光曰然

歷代大儒詩鈔

卷十六

司馬子

十

采蘭堂

陛下當論其是非今條例司所爲獨安石韓絳惠卿以爲是耳陛下豈能獨與此三人共爲天下邪帝欲用光訪之安石安石曰光外託劇上之名內懷附下之實所言盡害政之事所與盡害政之人而欲寘之左右使與國論此消長之大機也光才豈能害政但在高位則異論之人倚以爲重韓信立漢赤幟趙卒氣奪今用光是與異論者立赤幟也安石以韓琦上疏臥家求退帝乃拜光樞密副使光辭之曰陛下所以用臣蓋察其狂直庶有補於國家若徒以祿位榮之而不取其言是以天

官私非其人也臣徒以祿位自榮而不能救生民之患是盜竊名器以私其身也陛下誠能罷制置條例司追還提舉官不行青苗助役等法雖不用臣臣受賜多矣今言青苗之害者不過謂使者騷動州縣爲今日之患耳而臣之所憂乃在十年之外非今日也夫民之貧富由勤惰不同惰者常乏故必資於人今出錢貸民而斂其息富者不願取使者以多散爲功一切抑配恐其逋負必令貧富相保貧者無可償則散而之四方富者不能去必責使代償數家之負春算秋計展轉日滋貧者

歷代大儒詩鈔

卷十六

司馬子

十一

采蘭堂

既盡富者亦貧十年之外百姓無復存者矣又盡散常平錢穀專行青苗他日若思復之將何所取富室既盡常平已廢加之以師旅因之以飢饉民之羸者必委死溝壑壯者必聚而爲盜賊此事之必至者也抗章至七八帝使謂曰樞密兵事也官各有職不當以他事爲辭對曰臣未受命則猶侍從也於事無不可言者安石起視事光乃得請遂求去以端明殿學士知永興軍宣撫使下令分義勇戍邊選諸軍驍勇士募市井惡少年爲奇兵調民造乾糲悉修城池樓櫓關輔騷然光極言公

私困敝不可舉事而京兆一路皆內郡繕治非急宣撫之令皆未敢從若乏軍興臣當任其責於是一路獨得免徙知許州趣入覲不赴請判西京御史臺歸洛自是絕口不論事而求言詔下光讀之感泣欲默不忍乃復陳六事又移書責宰相吳充事見充傳蔡天申爲察訪妄作威福河南尹轉運使敬事之如上官嘗朝謁應天院神御殿府獨爲設一班示不敢與抗光顧謂臺吏曰引蔡寺丞歸本班吏卽引天申立監竹木務官富贊善之下天申窘沮卽日行元豐五年忽得語澀疾疑且死

歷代大儒詩鈔

卷十六

司馬子

十三

采蘭室

豫作遺表置臥內卽有緩急當以畀所善者上之官制行帝指御史大夫曰非司馬光不可又將以爲東宮師傅蔡確曰國是方定願少遲之資治通鑑未就帝尤重之以爲賢於苟悅漢紀數促使終篇賜以穎邸舊書二千四百卷及書成加資政殿學士凡居洛陽十五年天下以爲真宰相田夫野老皆號爲司馬相公婦人孺子亦知其爲君實也帝崩赴闕臨衛士望見皆以手加額曰此司馬相公也所至民遮道聚觀馬至不能行曰公無歸洛畱相天子活百姓哲宗幼冲太皇太后臨政遣

使問所當先光謂開言路詔榜朝堂而大臣有不悅者
設六語云若陰有所懷犯非其分或扇搖機事之重或
迎合已行之令上以徼倖希進下以眩惑流俗若此者
罰無赦后復命示光光曰此非求諫乃拒諫也人臣惟
不言言則入六事矣乃具論其情改詔行之於是上封
者以千數起光知陳州過闕畱爲門下侍郎蘇軾自登
州召還緣道人相聚號呼曰寄謝司馬相公毋去朝廷
厚自愛以活我是時天下之民引領拭目以觀新政而
議者猶謂三年無改於父之道但毛舉細事稍塞人言

歷代大儒詩鈔

卷十六

司馬子

十三

采蘭堂

光曰先帝之法其善者雖百世不可變也若安石惠卿
所建爲天下害者改之當如救焚拯溺況太皇太后以
母改子非子改父衆議甫定遂罷保甲團教不復置保
馬廢市易法所儲物皆鬻之不取息除民所欠錢京東
鐵錢及茶鹽之法皆復其舊或謂光曰熙豐舊臣多儉
巧小人他日有以父子義閒上則禍作矣光正色曰天
若祚宗社必無此事於是天下釋然曰此先帝本意也
元祐元年復得疾詔朝會再拜勿舞蹈時青苗免役將
官之法猶在而西戎之議未決光嘆曰四患未除吾死

不瞑目矣折簡與呂公著云光以身付醫以家事付愚
子惟國事未有所託今以屬公乃論免設五害乞直降
勅罷之諸將兵皆隸州縣軍政委守令通決廢提舉常
平司以其事歸之轉運提點刑獄邊計以和戎爲便謂
監司多新進少年務爲刻急令近臣於郡守中選舉而
於通判中舉轉運判官又立十科薦士法皆從之拜尚
書左僕射兼門下侍郎免朝覲許乘肩輿三日一入省
光不敢當曰不見君不可以視事詔令子康扶入對且
曰毋拜遂罷青苗錢復常平糶糴法兩宮虛己以聽遼

歷代大儒詩鈔

卷十六

司馬子

十四

采蘭堂

夏使至必問光起居敕其邊吏曰中國相司馬矣毋輕
生事開邊隙光自見言行計從欲以身徇社稷躬親庶
務不舍晝夜賓客見其體羸舉諸葛亮食少事煩以爲
戒光曰死生命也爲之益力病革不復自覺諄諄如夢
中語然皆朝廷天下事也是年九月薨年六十八太皇
太后聞之慟與帝卽臨其喪明堂禮成不賀贈太師溫
國公祔以一品禮服賻銀絹七千詔戶部侍郎趙瞻內
侍省押班馮宗道護其喪歸葬陝州諡曰文正賜碑曰
忠清粹德京師人罷市往弔鬻衣以致奠巷哭以過車

及葬哭者如哭其私親嶺南封州父老亦相率具祭都中及四方皆畫像以祀飲食必祝光孝友忠信恭儉正直居處有法動作有禮在洛時每往夏縣展墓必過其兄旦旦年將八十奉之如嚴父保之如嬰兒自少至老語未嘗妄自言吾無過人者但平生所爲未嘗有不可對人言者耳誠心自然天下敬信陝洛閒皆化其德有不善曰君實得毋知之乎光於物澹然無所好於學無所不通惟不善釋老曰其微言不能出吾書其誕吾不信也洛中有田三頃喪妻賣田以葬惡衣菲食以終其

歷代大儒詩鈔

卷十六

司馬子一

十五

采蘭堂

身紹聖初御史周秩首論光誣謗先帝盡廢其法章惇蔡卞請發塚斲棺帝不許乃令奪贈謚卞所立碑而惇言不已追貶清遠軍節度副使又貶崖州司戶參軍徽宗立復太子太保蔡京擅政復降正議大夫京撰姦黨碑令郡國皆刻石長安石工安民當鐫字辭曰民愚人固不知立碑之意但如司馬相公者海內稱其正直今謂之姦邪民不忍刻也府官怒欲加罪泣曰彼役不敢辭乞免鐫安民二字於石末恐得罪於後世聞者愧之靖康元年還贈謚建炎中配饗哲宗廟庭

論曰熙寧新法病民海內騷動忠言讜論沮抑不行端人正士擯棄不用聚斂之臣日進民被其虐者將二十年方是時光退居於洛若將終身焉而世之賢人君子以及庸夫愚婦日夕引領望其爲相至或號呼道路願其毋去朝廷是豈以區區材智所能得此於人人哉德之盛而誠之著也一旦起而爲政毅然以天下自任開言路進賢才凡新法之爲民害者次第取而更張之不數月之間剗革略盡海內之民如寒極而春旱極而雨如解倒懸如脫桎梏如出之水火之中也相與咨嗟嘆息歡欣鼓舞甚若更生一變而爲嘉祐治平之治君子稱其有旋乾轉坤之功而光於是亦老且病矣天若祐宋愍遺一老則姦邪之勢未遽張紹述之說未遽行元祐之臣固無恙也人衆能勝天靖康之變或者其可少緩乎借曰有之當不至如是其酷也詩曰哲人云亡邦國殄瘁嗚呼悲夫康濟美象賢不幸短命而死世尤惜之然康不死亦將不免於紹聖之禍矣

欽定國子監志宋咸淳三年從祀

國學禮樂錄度宗咸淳三年從祀明嘉靖九年改

歷代大儒詩鈔

卷十六

司馬子

十六

采蘭堂

稱先儒司馬子

國朝因之

詩

謹案司馬文正公傳家集八十卷自卷一至五
爲古詩內五古一百九十九首七古六十六首
六言二首自卷六至十五爲律詩內五律三百
五十六首七律一百一十一首五排四十三首七
排二首五絕七十首七絕二百八首俱分體總
詩一千五十七首今鈔六百二十首

古詩

歷代大儒詩鈔

卷十六

司馬子

十七 采蘭堂

贈邵興宗

窮達有常分。得喪難豫言。古今浩茫茫。倚伏安可原。軒
裳彼自榮。舉俗同崩奔。錙銖校重輕。冰火殊涼溫。君子
固無愧。立身明本根。度矩苟不愆。寵辱徒喧喧。有如清
濟流。橫貫長河渾。景公馬千駟。南面雄東藩。陶青劉舍
徒。位爲丞相尊。當時非不顯。磨滅何足論。顏回在陋巷。
藜藿甘盤餐。原憲結敝衣。蓬蒿塞其門。當時豈不窮。至
今榮名存。況君齒方壯。德業素所敦。安知榻翅歸。不作
凌雲翮。要之白首期。壯烈施元元。爲君畫善策。灑掃清

前軒長舒四五榻。客來輒開樽。羣愁喜伺人。稍醒必煩
寃。拒之亦無佗。體中常昏昏。

邵興宗南園草盛不翦。僕過而愛之。爲詩以贈
君家。在何許。遠與南城鄰。車馬不甚繁。門前無俗塵。有
園廢鉏治。繞舍皆荆榛。入夏益滋蔓。鬚髮高没人。豈無
舊桃李。蕪雜與之均。謂言彼草木。於我奚疎親。於閒置
取舍。豈得完天真。不若任其然。同受雨露仁。物性且不
違。人心何緇磷。閉戶不迎客。箕踞無冠巾。苟忘軒冕心。
何異巢居民。

歷代大儒詩鈔

卷十六

司馬子一

丈

采蘭堂

酬宋次道初登朝呈同舍

林葩積浮脆。煙霧矜春姿。山桂結芳堅。冰霰橫秋枝。夫
君名卿嗣。華實雙葳蕤。如何仕不偶。通籍鬢生絲。豈非
秋桂類。不足煩嗟咨。我今三十餘。汨沒無佗竒。正恐食
浮人。敢言位猶卑。同登天子廷。自視誠非宜。清朝正求
治。諫路方坦夷。太平可立致。此任非君誰。

送守哲歸廬山

哲公金陵來。神韻自孤秀。京華三十春。高節愈幽茂。烜
赫公卿門。道俗日奔走。自非趣尚合。一息不相就。慷慨

賢豪士。波溢千金富。蔬飯苟有餘。秋毫未嘗受。囂呶不可變。堅白如瓊琇。居然尚愁寂。終厭塵土臭。忽思香爐雲。蒼蔚冠孤岫。振衣尋昔遊。煙霞宛如舊。絡木藤蔓長。攫石松根瘦。瀑泉響夜壑。乳管添春竇。茅茨蔭方丈。宴坐度清晝。几席雨奇花。階除馴猛獸。方知物外樂。回視人寰陋。慎勿露聲光。愚迷將輻湊。

晉康陳生

庸

家世以孝悌聞有異木連理生其

庭郡欲旌表其門不果王禹玉爲之求詩於朝之士大夫以紀之

歷代大儒詩鈔

卷十六

司馬子一

五

采蘭堂

靈珠蟠泥沙。積水不能掩。賢人畜美德。豈必自標檢。陳生世同財。百口共豐儉。遠居嶺海閒。天質非陶染。邦人慕其行。鬪辨日衰減。祥木并殊柯。童童植軒檻。或欲揭其門。令人識儀範。愚公私不然。外獎由內歎。己能孝悌著。默致神靈感。何必賜牛酒。然後明褒貶。况茲詩詠末。瑣瑣事鈔槩。才薄不敢辭。適能爲汗點。

瘦盆

瘦盆生以醜自驚。突兀當軒聳羣目。海鼉鬪怒腹。幹張老鮫蟠。蟄鱗鬢禿昔。時仙客浮孤槎。波痕漬朽成。凹窪

蜀都賣卜置之去爾來流落嚴遵家誰逢好事得寶蓄
裁供盥濯真可辱況爲飲具承歡娛未必蟠根勝珠玉
不若剗爲太古尊滿盃明水羞百神出桴鞀籥薦忠信
坐使風俗還深淳

送張兵部

中庸字元常

知遂州

劍嶺橫天古棧微相如重駕傳車歸雙親倚門望已久
千騎踏雪行如飛人閒富貴非不有似君榮耀真亦稀
聞道西州遺畫像使我涕淚空沾衣

先人知小溪縣正
版籍均賦役聞邑

人至今誦之
畫像猶存

歷代大儒詩鈔

卷十六

司馬子一

十

采蘭堂

同舍會飲金明沼上書事

日華駘蕩金明春波光淨綠生魚鱗煙深草青遊人少
道路苦無車馬塵石渠諸君職事簡載酒擷花畏花晚
浮舟逐勝任所之箕踞狂歌叩舷板眼花耳熱氣愈豪
擲杯擊案聲嗷嗷驚沙颯颯繞洲渚魚龍遷去避我曹
人生大料無百歲貴賤賢愚同一致在家殺菽餘幾何
一日風光不宜棄

晚食菊羹

朝來趨府庭飲啄厭腥羶況臨敲扑喧憤憤成中煩歸

來。襖。冠。帶。杖。履。行。東。園。菊。畦。濯。新。雨。綠。秀。何。其。繁。平。時
苦。目。病。滋。味。性。所。便。采。擷。授。厨。人。烹。淪。調。甘。酸。毋。令。薑
桂。多。失。彼。真。味。完。貯。之。鄱。陽。甌。薦。以。白。木。盤。舖。啜。有。餘
味。芬。馥。逾。秋。蘭。神。明。頓。颯。爽。毛。髮。皆。蕭。然。迺。知。愜。口。腹
不。必。矜。肥。鮮。嘗。聞。南。陽。山。有。菊。環。清。泉。居。人。飲。其。流。孫
息。皆。華。顛。嗟。子。素。荒。浪。強。爲。簪。綬。牽。何。當。葺。敝。廬。脫。略
區。中。緣。南。陽。句。嘉。種。蒔。彼。數。畝。田。抱。甕。親。灌。漑。爛。漫。供
晨。餐。浩。然。養。恬。漠。庶。足。延。頽。年。

和吳冲卿崇文宿直睹壁上題名見寄并寄邵

歷代大儒詩鈔

卷十六

司馬子一

采蘭堂

不疑

仲卿詩序僕與不疑三人同登進士同自
太學宮入校集賢書又嘗同直一室今不
疑謫南方僕佐東平冲卿因
宿直觀壁上題名爲詩代書

白袍昔紛紛。相與會東堂。帝梧碧蕭瑟。翔集皆鸞鳳。伊
予素空疎。濫吹翰墨場。不爲羣僂遺。出處聯簪裳。爾來
凡六閏。轉轂飛炎涼。同歌太學下。共醉金馬旁。脩竹壓
窗寒。天桃倚戶芳。金盤剖盧橘。玉壺分蔗漿。驚呼局上
急。嘲笑杯閒狂。神情一契會。形迹兩俱忘。歡餘嘆薄宦。
離合何能常。濡豪紀歲時。暉霍素壁光。去秋隨相車。公
牒來東方。城中未徧辭。不疑逐南荒。奔波走郊外。取別

何蒼黃。舉觴未及盡。亟歸還束裝。行行到官下。日積簿
領忙。文書擁筆端。胥吏森如牆。況當三伏深。霑汗尤淋
浪。細蠅繞眉睫。驅嚇不可攘。涔涔頭目昏。始覺冠帶妨。
誠知才智微。吏治非所長。懼貽知己羞。敢不益自強。因
思甌閩遠。南走侵溟漲。炎蒸異中縣。從古無雪霜。終朝
坐茅屋。鹽茗征行商。謹誨費口舌。解囊收毫芒。不疑性
高介。此困安可當。山川幾千里。問訊誰能將。冲卿居京
邑。青雲正騰驤。寓直紫臺上。風露澄東廂。清夜不成寐。
緩步聊彷徨。拂此壁上塵。遠懷同舍郎。英辭歎感發。高
歷代大儒詩鈔

卷十六

司馬子一

三

采蘭堂

義紛激昂。泠泠官殿虛。諷咏何琅琅。手書成兩通。貯之
古錦囊。一往泉山南。一致汝水陽。堅重金壁體。光寒矛
劍鋒。迺知賢儁心。淺俗未易量。何嘗用榮枯。遽爾分否
臧。居然激衰薄。更使清風揚。

昔別贈宋復古張景淳

昔別如飛蓬。飄蕩隨所適。那知十六載。卮酒對今夕。渺
然思舊遊。閒不容一息。百年詎幾何。會合難屢得。復古
素愷悌。志行重金錫。皎如百鍊精。不爲燥溼易。景淳氣
高逸。浩蕩誰與敵。下筆驚雷霆。龍蛇走屋壁。居然器業

美但有富貴逼。佗時縮金印。羈束愈愁寂。須窮今日懽。
快意浮大白。勿辭簪弁傾。頽然倒樽席。

初見白髮慨然感懷

萬物壯必老。性理之自然。我年垂四十。安得無華顛。所
悲道業寡。汨沒無他賢。深懼歲月頽。宿心空棄捐。視此
足自傲。拔之廼違天。留爲鑑中銘。晨夕思乾乾。

謝胡文學

九齡

惠水牛牛圖二卷

牛生天地閒。益物用最大。其功配坤元。象爻參衆卦。血
毛類上帝。胥嚮景福介。宗廟及賓客。百禮無不在。引耒

歷代大儒詩鈔

卷十六

司馬子一

三

采蘭堂

刺中田。粒食烝民賴。服箱走四方。竭力任重載。昔聞戴
叟筆。圖寫窮纖芥。胡君繼其妙。差肩立異代。公卿仰名
聲。一觀不可句。如何散賤者。遽有雙圖賚。所嗟性頗愚。
雅不曉佳畫。有如歌九韶。鐘鼓樂聾聵。得之乃虛器。無
異居大蔡。神物恐化去。立召風雨怪。雙圖雖卷還。重貺
敢不拜。

王書記以近詩三篇相示各摭其意以詩賡之

感遇

白鷓出江渚。刷羽何鮮新。志陵青霞端。欲飲天漢津。清

飈未我與。陂澤聊逡巡。偶爲虞羅獲。遠趣無由伸。樊籠
厭局促。野性那能馴。庭除數驚顧。慘慘常畏人。皓素不
入俗。衆目誰爲珍。稻粱不充腹。日與雞鶩鄰。舉頭畏太
高。俛啄空愁辛。蕭蕭斂六翮。憔悴傷精神。男兒五十不
如意。青衫華髮遊埃塵。曷爲鹽官北。如晉今爲幕吏西。
適秦慨然遂。欲拋手板。拂衣高蹈錦水濱。長竿短艇入
煙雨。放歌酣飲歛烏巾。方今聖朝清似水。林空谷靜無
隱淪。吾君夢卜偶未到。勿學君平與子真。

投梅聖俞

歷代大儒詩鈔

卷十六

司馬子一

三

采蘭堂

聖俞精爲詩。堅重比白玉。至寶識之希。未必諧衆目。應
辰仰高風。歧聳自西蜀。平生未相識。歉歉不自足。薄遊
困京師。旅食止脫粟。得官當入秦。行李未結束。先求聖
俞門。執贄請所欲。九衢季冬月。風沙正慘曠。羸馬懼遠
行。毛鬣寒瑟縮。旅拒不肯前。一步九刺感。飢童袖擁口。手
足盡皸痂。論詩久未出。竊罵怨滿腹。歸來面揚揚。氣若
飢梁肉。纍纍數十字。疎淡不滿幅。自謂獲至珍。呼兒謹
藏蓄。長安十五驛。重複閉川陸。置詩懷袖閒。勸懲輒披
讀。高吟桑野澗。日暝卽投宿。自可忘羈愁。行瞻灞陵曲。

呈范景仁

劔山中斷融爲川。清江雙流鬱迴旋。溝塍阡陌粲如繡。
香秔紫芋皆良田。地靈物秀氣淑美。由來衮衮生英賢。
朝家文明所及遠。於今臺閣尤蟬聯。獵纓鳴佩走聲望。
出入金馬如雲煙。奈何應辰獨坎壈。華髮未得離賓筵。
瑁璠懸黎已爲寶。結綠豈得偏棄捐。願君彈冠自重惜。
邑人行誦子虛篇。

酬胡侍講先生

瑁字冀之

見寄

后王命天官。考績弊羣吏。屬曹省闕閱。專職米鹽事。賤
歷代大儒詩鈔

卷十六

司馬子一

二十五

采蘭堂

生偶承乏。竊祿聊自庇。才力困不逮。慘慘日憂惴。賴依
僚友賢。剗裂沛餘地。自知雖寄名。不足繫軒輊。先生喜
誘掖。貽詩極褒賁。誰云歲杪寒。面熱汗沾漬。非不悅子
道。驚鈍力難致。常恐負吹噓。終爲重言累。

同張聖民過楊之美聽琵琶女奴彈啄木曲觀

諸公所贈歌明日投此爲謝

坐曹據案心目疲。出門上馬行何之。闕然久不見之美。
率意共往初無期。正逢攬轡欲有適。爲我卻解連環羈。
閒軒適足容數客。夏木初繁有佳色。呼兒取次具杯盤。

青眼相逢喜無極。檀槽錦帶小青娥。妙質何須誇綺羅。
按絃運撥驚四座。當今老手誰能過。彈爲幽鳥啄寒木。
園林颯颯風雨和。喙長爪短躍更上。丁丁取蠹何其多。
曲終拂羽忽飛去。不覺酒盡朱顏酡。已聞啄木曲。又觀
啄木歌。雄文更復值絕藝。有如天際傾長河。今朝壯觀
誠極樂。去此將奈寂寞何。歸來解帶豁胷腹。坐踞胡牀
仰看屋。從今三日不洗耳。耳內冷泠有殘曲。人間何物
號富貴。紆紫懷金盡虛器。如君自處真得策。身外百愁
都擲置。太學餐錢月幾何。客來取酒同醒醉。

歷代大儒詩鈔

卷十六

司馬子一

二

采蘭堂

晚歸書室呈錢君倚

簿領日沈迷。事役等胥靡。得歸無所爲。未免闕書史。
一種勞精神。胸中異憂喜。人生無苦樂。適意卽爲美。迺知
抱關人。不必羨青紫。

同錢君倚過梅聖俞

王畿天下樞。簿領日墮積。自非奉朝請。九衢未嘗識。今
茲到東城。胥靡暫逃役。近指聖俞居。安能不往覲。一室
靜蕭然。昏碑帖古壁。叩階讀新詩。迷闇得指摘。笑言殊
未足。黯然日將夕。呼馬涉歸塗。燈火已歷歷。又知幾何

時更有重來迹。

梅聖俞惠詩復以二章爲謝

我得聖俞詩於身亦何有。名字託文編。佗年知不朽。我得聖俞詩於家果何如。畱爲子孫寶。勝有千金珠。

旬慮十七韻呈同舍

府官無旬休。慮問迺遊息。詔書禁從詣。還舍始朝食。緩帶對藜羹。下筯免促迫。門前吏卒散。卻掃謝來客。北軒有藤牀。今晨始拂拭。蓬髮亂宜梳。霜髭閒可摘。開囊曬藥物。發笥出書冊。筍畦親灌浸。茶器自涓滌。於時孟秋

歷代大儒詩鈔

卷十六

司馬子一

二十七

采蘭堂

末天晴色紺碧。林葉雖未零。風聲已淅瀝。神明還九藏。清氣襲百脈。征夫解甲冑。疲馬脫羈勒。蜚鳥開樊籠。跳魚出鼎鬲。形骸盡我有。不復爲物役。雖非久安逸。幸得少頃適。訟庭止敲扑。咫尺異喧寂。明朝不能然。顧盼愁月夕。

夜坐

春陽氣未勝。重爲陰所乘。泔泔積雨闋。慘慘餘寒增。流雲鬱不開。烈風尙憑陵。夜闌閉戶牖。青暈生昏燈。僮僕悉已眠。書几久欹凭。涉獵閱舊聞。暫使心魂澄。有如行

彼歸邱園。悅重登。又如遠別離。邂逅逢友朋。嗟嗟宦遊子。何異魚入罾。奪其性。所樂強以所不能。人生本不勞。苦被外物繩。坐愁清旦出。文墨來相仍。吏徒分四集。僕僕如秋蠅。煩中劇沸鼎。入骨真可憎。安得插六翮。適意高飛騰。

倚
二月中旬。慮問過景靈宮門。始見花卉呈錢君。

賤生參府僚。勉強踰半歲。終非性所好。出入意如醉。訟庭敲扑喧。衆草絕生意。不知有青春。倏忽已改燧。周章

歷代大儒詩鈔

卷十六

司馬子一

壬辰

采蘭堂

連日忙。爛漫數宵睡。軒窗岌飛舉。風雨頗恣睢。謂言芳菲物。狼籍應掃地。今晨呼馬出。歷獄問囚繫。窈窕清官深。倉琅朱門閉。廣殿肅層陰。虛庭藹佳氣。長楊委嫩綠。老柏淨新翠。薜荔垂蜿蜒。奇石立巖窟。豁然愁憤開。精神四面至。事役難少留。馬去尙回睇。亦足慰無聊。年華不都棄。

和始平公夢中有懷歸之念作詩始得兩句而寤因足成一章

元宰撫洪鈞。四海可熏灼。至人養天真。視此猶嬰縛。出

入金鼓。威寤寐。琴樽樂。迺知伊呂心。未始忘邱壑。

和江鄰幾六月十一日省宿書事

長夏金正伏。火意尤驕盈。夫子寓官舍。無術逃煩蒸。軒窗豁四開。滅去壁上燈。紵衣不可親。羽扇安能勝。濯泉泉已溫。撫簞簞可憎。萬葉悄無風。但有飛蚊鳴。六府燥不濡。喉舌煙塵生。攝衣起徐步。四顧天正晴。雲漢淺欲涸。箕畢徒縱橫。忽思終南巔。秀出秦雲青。上有長松林。蔽日深杳冥。下有萬仞壑。含蓄太古冰。安得躡輕屐。杖策緣崢嶸。挂冠芙蓉闕。結屋高崖稜。回視萬鍾祿。影撇如飛蠅。

歷代大儒詩鈔

卷十六

司馬子一

三九

采蘭堂

和張仲通追賦陪資政侍郎吳公臨虛亭燕集寄呈陝府祖擇之學士

吾家陝之北。陝事吾能說。孤亭古城隅。形勝最殊絕。雲消天宇空。極目鳥飛滅。大河西北來。洶湧地脈裂。萬里卷流沙。長驅走溟碣。羣山勢離合。披靡隨曲折。林薄帶村墟。郊原如繡纈。祠宮望神禹。閉田指虞芮。高邱想巫咸。空巖懷傳說。聖賢迹已遠。縹渺見風烈。吳公昔爲守。治行瑩冰雪。君從豐鎬來。華館息塵轍。主人喜嘉客。置

酒升湄嶼。清歡浩無涯。燭至樽未撤。誰知捧手辭。遽有
幽明訣。至今猶墮淚。遺愛滿耆耄。擇之新下車。條教悉
施設。依然典刑在。先後如符節。嗟予仕京邑。苟祿自羈
縲。邱壟翳荒松。三年灑掃缺。求歸未能得。朝暮腸百結。
得君臨虛詩。髣髴見里闕。何時往登臨。曠若目去矚。憂
來復長吟。益使寸心折。

次韻和吳冲卿秋意二首

槐花滿庭除。籍籍不可掃。稍疎召平瓜。漸熟王陽棗。失
時團扇弃。新進袷衣好。日暮益愁思。寒螿起幽草。忽聞
歷代大儒詩鈔卷十六

司馬子一

三

采蘭堂

秋興篇。嘆賞幾絕倒。

縱棹下清溪。波靜地仍偏。日夕水風涼。蕭灑成安眠。兀
兀但高枕。悠悠還進船。中流忽驚寤。漁父歌扣舷。山川
非曩時。回首雲霞邊。

和邵不疑校理蒲州十詩

飲亭 亭有流盃渠

飛蓋名僚集。臨流芳宴開。縈紆漱文石。次第傳清盃。迴
波亦多意。并泛落花來。

涌泉石

樞密學士蔣公知府事得片石大如席上有數十竅莫知所施公問石工

對曰此蓋涌泉石也乃於飲亭下鑿地爲埕
置石其上夏日從旁激水灌之躍高數尺以
消暑氣

蒼然片石寒。百道飛泉吐。高堂忽蕭颯。坐失爰蒸苦。蛟
龍臥欲飛。仰嘖秋空雨。

翠樓

條山翠氣橫。隱嶙秋空窄。危樓雨初度。卷幌延佳色。撲
撲滿前軒。嵐光真可摘。

碧樓

煙瓦疊琉璃。危樓半空倚。歌鐘奉高宴。聲來碧雲裏。日
歷代大儒詩鈔卷十六
司馬子一
三 采蘭堂
暮天四垂黯。淡如秋水。

靜齋

聊窺碧甃缺。寒草生歷歷。時聞山鳥呼。未得全幽寂。

槐軒

關
軒已幽。況復植宮槐。簷外陰沉綠。南山雨氣來。道
遙不知久。驚此黃花開。

涼

關
清風滿四境。豈獨華棖下。不

若楚臺人。披襟獨蕭灑。

芙蓉軒

荷花爛漫紅不見。方塘水。憔悴結飛閣。苒惹清香裏。露重忽歛側。翩然翠禽起。

惜花亭

春意復蹉跎。園林日愁寂。枝邊綠陰重。砌下紅英積。茲亭花最繁。飄零尤可惜。

竹軒

茂密正當軒。歛垂欲侵案。風枝忽交戛。月形爭凌亂。誠嘉君子心。匪直林亭玩。

歷代大儒詩鈔

卷十六

司馬子一

三五

采蘭堂

和昌言官舍十題

石榴花

靈根逐漢臣。遠自河源至。流離徧中壤。今茲盡苗裔。畏日助殷紅。凍雨滌濃翠。宜攜避暑客。花下縱橫醉。

蕙苒

佳實產南州。流傳郤山瘴。如何馬伏波。坐取邱山謗。夫君道義白。復爲神明相。厲氣與流言。安能逞無狀。

石蘭

楚人歌紫蘭。華禁無傳久。循名意茲是。誰得明真否。天

憐菊性孤秀。發秋風後。固令芳物生。聊作黃花友。

萱草

葉濯宿露翠。花迎朝日黃。昔誰封殖此。儼列侍高堂。達士隱於吏。孰爲行與藏。逍遙玩永日。自無憂可忘。

蜀葵

白若繪初斷。紅如顏欲醺。坐疑仙駕嚴。幢節紛瑤羅。物性有常妍。人情輕所多。菖蒲儻日秀。棄擲不吾過。

畦蔬

隙土惜荒棄。翦治成畦畦。講雩時澤洽。葵荏高參差。醜

歷代大儒詩鈔

卷十六

司馬子一

三

采蘭堂

渠若貫脈。疏塍如畫碁。爲吾謝來客。枯樺毋語機。

水紅

夢想水鄉遊。階庭植籠古。宛如江外行。高帆落寒浦。煙枝靜疎秀。風穗閒低舉。於今看未好。漠漠宜秋雨。

甘菊

野菊細瑣物。籬間私自全。徒因氣味殊。不爲庖人捐。采升白玉堂。薦以黃金盤。願若南陽守。永扶君子年。

蘭

賢者非無心。園夫自臨課。藝植日繁滋。芬芳時入座。青

蔥春茹擢皎絜秋英隄正苦郢中人逸唱高難和

病竹

園竹久不治蕪沒真可弔豈無枯槁容蕭疎自殊調至人愛高節命斧除藿藿何用報至恩清陰與長嘯

謝興宗惠草蟲扇

吳僧畫團扇點綴成微蟲秋毫宛皆具獨竊天地功細者及蛛蝥大者纔阜螽枯枝擁寒蛸黃蘂粘飛蜂翾然得生意上下相追從徒觀飛動姿莫睹筆墨蹤兒曹取真物細校無不同恐其遂躍去亟取藏箱中乃知藝無歷代大儒詩鈔卷十六

司馬子一

舌

采蘭堂

小意精神可通不興誤圖蠅能惑紫髯翁子猷狀蟬雀藏寶傳江東不知古何如此畫今爲雄人墓木已拱其徒頗能工舊法存百一要足超凡庸友人幸爲賜物薄意何隆玩之不替手愛重心無窮常如對君子穆穆來清風

和王勝之雪霽借馬入局偶書

勝之家本公侯貴弱冠英才已驚世雒陽多士誰敢倫千古比肩唯賈誼昔遭絳灌深切齒奔走十年爲下吏近方技拭出泥塗稍學和光匿鋒銳會計之官豈足爲

黽勉簿書聊自庇。王城九衢臘月尾。風雪數朝窮恣睢。
櫪間款段疲且病。借馬於人亦疲曳。揚鞭掣轡趨省廷。
刺蹙不前。泥沒鼻。慨然遂有勞者歌。滿紙雄文。歛軒輕。
人生榮遇有早晚。視此鎔銖勿關意。況君卓犖高出羣。
異日青雲終自致。鮮車大蓋擁驂驪。莫忘今朝乘小駟。

齊山詩呈王學士

哲字微之

江上有奇山。羣峯矗如翦。昔聞齊刺史。置酒升絕巘。其
人有惠政。嘉名自茲遠。君來踵其迹。詞牒日清簡。驪駒
時入谷。勝地窮搜選。問俗復懷人。非徒事遊衍。

歷代大儒詩鈔 卷十六

司馬子一

三五 采蘭堂

吹簫

古人吹簫者。以和虞韶聲。後世不復貴。給喪仍賣錫。

和始平公見寄

嚮來從後車。雍容鎮藩垣。政成簿書簡。終日侍清樽。今
茲備言職。不得登朱門。違離詎幾時。風色變寒溫。忽聆
吉甫什。穆如承話言。安得六翮生。隨意遠飛翻。垂耳倦
新羈。蹠足思華軒。諒無伯樂顧。疲勞安敢論。

又和并寄楊樂道

聖主樂忠諫。曲從如轉圜。玉色粹陽春。至仁生自然。所

慙羣臣愚無以稱開延賤生何爲者側足青規前頑石
不可鍊安能補高天狂簡昧大體所依官長賢有如驂
之靳左右隨周旋庶幾助山甫袞職無尤愆緬思老成
人阻親函文筵豈不寸心勞動爲纒徽牽何當執壽卮
跪起得差肩相顧藐無期瞻望徒悵悵

朝雞贈王樂道

小雞距短雙翅垂廣場勇鬪無所施清曉長鳴獨先衆
朝者恃此能知時星河滿天月光白東望扶桑悄無色
一聲高舉耳目醒四遠羣陰俱辟易陋巷人疎
歷代大儒詩鈔卷十六
司馬子一
三六
采蘭堂
煙火稀永夜沈沈鐘鼓微聞之徐起就盥櫛顛倒不復
憂裳衣君家迴居北城曲阿閣嶢嶢日鳴玉蕭蕭風雨
得司晨不使無功啄君粟

謝始平公以近詩一卷賜示

皇家駿命承蒼穹烝民之傑生維嵩聖賢會合若符契
坐致四海登熙隆三階清平九鼎重指麾拱揖安華戎
人情誰不樂將相往往皓首忘疲癯北平飲乳尚懷印
千秋乘車猶入宮唯公致政年甫至耳目明立志氣充
幡然脫去萬鍾祿羽儀高遠如翔鴻靈臺不復絳塵務

至德恬澹含黃中。英華純粹積不發。事業轉爲文字工。
大篇短韻間金石。遠追吉甫流清風。刻雕衆物非用意。
默與元化參神功。應劉鮑謝事奇巧。細瑣豈足誇才雄。
裸圭夷玉清朝器。肯與環玦爭玲瓏。絳帳生徒東閣客。
微官拘繫如樊籠。言詩何敢望商賜。幸得誦詠祛童蒙。
昏花病目不自惜。服膺盟手書一通。千金之產不可易。
子孫寶蓄傳無窮。

和范景仁西圻野老

西郊廣路浮壤黃。上天雨泣寒雲蒼。鸞旗闕戟紛晻靄。

歷代大儒詩鈔

卷十六

司馬子一

三七

采蘭堂

扈從威神歸帝鄉。田家老父眉睫白。杖藜匍匐泣路傍。
且云生逢至仁主。蠲租罷役歲爲常。蠶收百箔桑蔽野。
麻麥極望無邊疆。去年翠華出賽雨。錦繡綿絡墟里光。
拜迎六馬負縑帛。孫扶嫗接歸揚揚。自分謳歌畢餘景。
一朝縞素安可防。哀聲瀕洞徹四極。草木慘澹顏色傷。
螻蟻衰齡不足贖。淚如飛雪空霑裳。河滎洛貫嵩峯足。
泉底寰瀛日月長。羨門已閉屬車返。輒上空瞻金鳳凰。

種竹

種竹南牆陰。竹生皆北嚮。苟非陽在此。竹性安可強。乃

知就陽意草木皆有情。園葵最柔弱。獨取傾心名。

和王介甫巫山高

巫山高。巫山之高高不極。寒江西來曳練長。羣峯森羅
十二戟。清狄悲號裂翠崖。老蛟怒鬪摧丹壁。輕生重利
三巴客。一葉直衝高浪白。船頭吟嘯坐自如。仰視長天
下盈尺。叢祠象設儼山椒。巫祝紛紛非一朝。云是高唐
神女之所處。至今暮雨常蕭蕭。我聞神理明且直。興亡
唯觀惡與德。安肯來從楚國君。憑依夢寐爲淫昏。襄王
之心自荒惑。引領日望陽臺雲。獨不思懷玉西行不復
歷。代大儒詩鈔

卷十六

司馬子一

三十八

采蘭堂

秋懷呈范景仁二首

草木正蕃蕪。孰知天地秋。況茲宿雨餘。景氣益和柔。逍
遙愧簪紱。夢想懷林邱。茲志久未果。素髮今已稠。仰視
白日光。浩蕩浮雲流。安得黃鵠羽。陵風千里遊。
疇昔共登仕。爾來三十秋。常晞絲繩直。竊恥鴟夷柔。跡
滓學鉅海。螿堙依崇邱。行之不自疑。親寡憎怨稠。今
不亟去淪胥恐。同流努力買良田。遠追沮溺遊。

虞帝

虞帝老倦勤。薦禹爲天子。豈有復南巡。迢迢渡湘水。至德遠無象。異論紛紛起。意疑大聖人。姦愾亦如己。乃知中下士。何由逃誘毀。

聶著作三舅謫官長沙作耐辱亭書來索詩

少連善降志。無恤能忍詬。茲亭名耐辱。締構自吾舅。樽前湘水清。席下湘山秀。於焉忘榮枯。終日醉醇酎。攻愁若攻敵。避喧如避寇。困久理須通。非徒保無咎。

走索

歷代大儒詩鈔

卷十六

司馬子一

三九 采蘭堂

伎兒欲誇象。喜占衢路交。繫組不厭長。縛竿不厭高。空中紛往來。巧捷如飛猱。卻行欠膚寸。倒絰連秋毫。參差有萬一。蠶粉安可逃。錢刀不盈掬。身世輕鴻毛。徒資旁觀好。曹偶相稱褒。豈知從事者。處之危且勞。

邵木疑廳薜荔及竹

脩竹非俗物。薜荔亦嘉草。樹之君子庭。人來見逾好。侵階鶴脰細。綠壁龍鱗老。紛披兩疎翠。煙色宜秋早。主人日封植。清風庶長保。

和公達過潘樓觀七夕市

織女雖七襄不能成報章無巧可乞汝世人空自狂帝
城秋色新滿市翠帟張僞物踰百種爛漫侵數坊誰家
油壁車金碧照面光土偶長尺餘買之珠一囊安知杼
軸勞何物爲蠶桑紛華不足悅浮侈真可傷

酬江鄰幾問不飲栽菊

鄰幾詩曰君實不飲酒
庭下多栽菊不知黃花

開奈此杯中綠凌晨煙露滋後日
風霜促欲表君苦心宜種子猷竹

黃菊本天物先隨元化生酒醴迺人功後因儀狄成酒
客強親菊菊酒初無情種之荒階側何嘗妨獨醒脩竹
氣瀟灑自合生君庭

歷代大儒詩鈔卷十六

司馬子一

四

采蘭堂

送雷太簡

南山有白雲應物任所適欵來非有心倏去還無迹甘
澤望霑浹嘉生待蘇息無爲遽收卷復八巖閒石

江南

揚州府梅花
書院孝廉堂

受業諸子重校

歷代大儒詩鈔卷十六

歷代大儒詩鈔卷十七

滇西趙州後學谷際岐西阿甫彙鈔

受業諸子 男驥全校

司馬子二

古詩

和王介甫烘蝨

天生萬物名品夥。嗟爾爲生至么麼。依人自活反食人。
性喜伏藏便垢垢。泥晨朝生子暮生孫。不日藩滋踰萬個。
透疎緣隙巧百端。通夕爬搔不能臥。我歸彼出疲奔命。
備北驚南厭搜邏。所擒至少所失多。捨置薰燒無術奈。

歷代大儒詩鈔

卷十七

司馬子二

一

采蘭堂

加之炭上猶晏然。相顧未知亡族禍。大者洋洋迷所適。
奔走未停身已墮。細者懦怯但深潛。乾死縫中誰復課。
黑者抱髮亦憂疑。逃入幪頭默相賀。腥煙騰起遠襲人。
袖擁鼻端時一睡。初雖快意終自咎。致爾殲夷非爾過。
吾家篋笥本自貧。况復爲人苦慵惰。體生鱗甲未能浴。
衣不離身成脆破。朽繪壞絮爲淵藪。如麥如麻寢肥大。
虛腸不免須侵人。肯學夷齊甘死餓。醯酸螞聚理固然。
爾輩披攘我當坐。但思努力自潔清。羣蝨皆當遠邇播。

和吳冲卿三哀詩

江鄰幾梅聖俞韓欽聖

天生千萬人中有一雋傑。奈何喪三賢。前後纔君月鄰。

幾任天資浮飾恥澡刷朝市等山林衣冠同布褐外無
涇渭分內有淄澠別逢時敢危言慷慨誰能奪聖俞詩
七千歷歷盡精絕初無追琢勤氣質稟清潔負茲驚世
才未嘗自標揭鞠躬隨衆後側足畏蹉跌欽聖渥注駟
初生已汗血雖有絕塵蹤不失和鸞節宜爲清廟器儼
雅應鍾律衆論誠共然非從朋友出羣材方大來軼軋
扶帝室誰云指顧閒聯翩化異物弔纒哭未已病枕氣
已竭同爲地下遊攜手不相失紳紱頓蕭條相逢但嗟
咄誦君三哀詩終篇涕如雪眉目尚昭晰笑言猶髣髴

歷代大儒詩鈔

卷十七

司馬子二

二

采蘭堂

肅然來悲風四望氣蕭瑟

和梅聖俞詠昌言五物

括蒼石屏

主人小石屏得之括蒼山括蒼道里遠致此良亦難層
崖萬仞餘騰出浮雲端吳兒采石時蘿蔓愁攀緣石支
狀松雪毫髮皆天然置之坐席旁清風常在顏願君善
藏蓄水日供餘閒慎勿示要人坐致求者繁將使括蒼
民吁嗟山谷閒

澹樹石屏

昔行鞏洛間。馬瘦天復陰。寒煙澹不收。一拂橫長林。當時無畫工。負此清賞心。今朝石上迹。歷歷皆可尋。輕素已紛泊。老幹仍蕭森。坐令高興還。野氣生衣襟。丹青不耐久。風日易消侵。何如造化真。更彼歲月深。昌言家素貧。購此糜百金。請攜好事名。千古無消沈。

白鶻圖

白鶻日邊來。一息萬里遙。橫飛碧海晴。六翮寒蕭蕭。輕如朔雪花。迴與長風飄。傾身疊紺爪。吟嘯何哮嗥。瞥來疾驚電。歎起先扶搖。遂令狐與狸。不敢矜凶妖。尉羅不歷代。大儒詩鈔卷十七。
司馬子二 三 采蘭堂

懷素書

上人工書世所稀。於今散落無復遺。君從何處獲數幅。敗絹蒼蒼不成軸。雲流電走何縱橫。昏醉視之雙目明。烈火燒林虎豹慄。疾雷裂地龍蛇驚。須臾挂壁未收卷。陰風颯颯來吹面。祇疑神物在闔中。寶祕不令關俗眼。嗟余平生不識書。但愛意氣豪有餘。欲求數字置座側。安得滿斗千金珠。

縛虎圖

孫生非畫師。趣尚頗奇偉。爲人少諧合。不肯畜妻子。時時入深山。信足動百里。蕭然坐盤石。盡日曾不起。精心忽有得。縱筆何恢詭。萬象皆自然。神工相表裏。流傳落人間。萬金易寸紙。君家縛虎圖。用意尤精緻。雖云鎖紐牢。觀者猶披靡。昔聞劉綱妻。制虎如犬豕。繫之牀腳閒。垂頭受鞭箠。孫生儻未見。畫此亦何理。明知非世人。羽化實不死。願君他日歸。置之成都市。必有乘槎人。庶幾能辨此。

歷代大儒詩鈔

卷十七

司馬子二

四

采蘭堂

獨樂園七詠

讀書堂

吾愛董仲舒。窮經守幽獨。所居雖有園。三年不遊目。邪說遠去耳。聖言飽充腹。發策登漢庭。百家始消伏。

釣魚庵

吾愛嚴子陵。羊裘釣石瀨。萬乘雖故人。訪求失所在。三旌豈非貴。不足易其介。奈何夸毗子。斗祿窮百態。

采藥圃

吾愛韓伯休。采藥賣都市。有心安可欺。所以價不二。如

何彼女子。已復知姓字。驚逃入窮山。深畏名爲累。

見山臺

吾愛陶淵明。拂衣遂長往。手辭梁王命。犧牛憚金鞅。愛君心。豈忘居山神。可養輕舉向千齡。高風猶尚想。

弄水軒

吾愛杜牧之。氣調本高逸。結亭侵水際。揮弄消永日。洗硯可鈔詩。泛觴宜促膝。莫取濯冠纓。紅塵汗清質。

種竹齋

吾愛王子猷。借宅亦種竹。一日不可無。蕭灑常在目。雪

慙代大儒詩鈔

卷十七

司馬子二 五

采蘭堂

霜徒自白。柯葉不改綠。殊勝石季倫。珊瑚滿金谷。

澆花亭

吾愛白樂天。退身家履道。釀酒酒初熟。澆花花正好。作詩邀賓朋。欄邊長醉倒。至今傳畫圖。風流稱九老。

和利州鮮于轉運

仇字子駿

公居八詠

桐軒

朝陽升東隅。照此庭下桐。萃萃復萋萋。居然古人風。疎柯青玉聳。密葉翠羽蒙。午景凝餘清。夕照留殘紅。雨響甍棟外。風生戶牖中。主人政多暇。步賞常從容。終當致

威鳳覽德鳴。嗙嗙又將施。五絃解慍歌。帝宮

竹軒

茲軒最灑落。厯厯種琅玕。正晝簿書稀。蕭蕭風雨寒。翠
陰涼宴坐。疎韻承清歡。錦籜裁夏扇。玉筍供春槃。晴蝸
潛葉底。暝雀投林端。幽興遇物愜。高懷隨處安。且免一
日無。何須千畝寬。

柏軒

凜然凌霜色。本自生邱壑。徙之君子庭。栽培固不薄。靜
夜聲颼颼。清晝陰漠漠。秀氣逼簷楹。翠影通簾箔。知君
歷代大儒詩鈔卷十七 司馬子一 六 采蘭堂
梁棟材。大匠偶未度。但守歲寒心。閒軒亦不惡。

巽堂

華堂選形勝。地直巽之隅。主人心潔齊。公閒此燕居。西
來故鄉客。東過朝大夫。時逢志所愜。下榻同歡娛。琴碁
閒壺觴。賦詠雜歌呼。民間旣羲皇。席上宜華胥。每思就
一醉。幸無官守拘。奈何三千里。風埃與泥塗。

山齋

幽蹊入桃李。危棧蟠林麓。行行忽虛敞。高齋出山腹。園
圃近指掌。郊郭紛盈目。春老醅醱香。夏淺篔簹綠。條橫

喜冒衣笄。遊午穿屋。秋江澄可卷。冬嶺翠如撲。煙間漁
艇小。塞外村居獨。燒轉望畚田。響答聆伐木。驚麝挺走
險。鳴禽嚶出谷。物華時變更。興趣日相續。誰知使者尊
常著野人服。肯以駟馬榮區區。註鄉族。

閒燕亭

吏治正倥偬。夫君何燕閒。繭絲旣云寡。符移皆可刪。子

奏減役錢幾
半朝廷是之

印封從事散。躡屐升東山。放杖坐危亭。清

嘯出雲閒。無私席賓少。忘機林鳥還。野人瞻翠微。稽首
雙眉斑。

歷代大儒詩鈔

卷十七

司馬子二

七

采蘭堂

會景亭

景物浩無窮。茲爲一都會。之人心若鑑。萬狀盡相對。喬
林擁砌底。脩嶺倚窗背。流雲過席上。去鳥出天外。徐徐
杖屨征。藹藹郊原晦。來往亦何爲。逍遙眞樂內。

寶峯亭

孤亭冠山椒。下視物不隔。六合縱心賞。萬家窮目力。髻
鬢烏奴翠。衣帶嘉陵碧。霞生白水尾。日沒九隴脊。煙凝
朝夕市。塵飛往來驛。雖復對紛紜。何嘗改岑寂。寶兼觀
風遠。非徒選勝適。巴峽少平田。每苦天宇窄。及茲伏櫺

檻坐瞰南北。極先君昔乘輅名。題古寺壁。侍行尚垂髫。
孤露今戴白。讀君登臨詩。舊遊皆歷歷。求無膝下歡。終
篇涕霑臆。光天聖中侍先君爲利州路轉運使題名諸寺子駿皆爲之刻石

遊壽安詩十首

噴玉泉

蒼崖雙起秋雲齊。亂峯迸出如攢犀。石稜澀不容馬蹄。
下馬步入荆榛蹊。瀑泉沃雪拖白電。落潭橫引成清溪。
老木長籐咫尺迷。興闌欲出忘東西。

歷代大儒詩鈔

卷十七

司馬子二

八

采蘭堂

神林谷二首

石下泉聲蔓草深。石上露濃蒼蘚徧。山禽驚起飛且鳴。
葉墜空林人不見。
雞幘奇峯雲外橫。青壁千尋不可上。卻羨樵兒輕險巖。
腰繩操斧常來往。

遊神林谷寄邵堯夫

山人有山未嘗遊。俗客遠來仍久留。白雲滿眼望不見。
可惜宜陽一片秋。

靈山寺流泉

去寺猶一里。隔林聞水聲。安知客乘興。山下遽相迎。

且遊

遊人戀山水。日晏澹忘歸。但愛雲煙好。那知僕馬饑。

永濟渡二首

洛水寒可涉。長汀柳飛葉。節物先無期。自與幽懷愜。
清波見白鷗。靜林聞啄木。泉細入平沙。雲閒出幽谷。

靈山寺

神林興盡謀早歸。草閒露裊行徑微。忽思靈山去不遠。
馬首欲東還向西。垂鞭縱轡尋山足。洛水逶迤過數曲。
漸聞林下飛泉鳴。未到已覺神骨清。入門拂去衣上土。

歷代大儒詩鈔

卷十七

司馬子二

九

采蘭堂

先愛娑羅陰滿庭。庭下雙渠走清澈。羅縠成紋日光徹。
寒聲浙浙入肝髓。亂影蕭蕭動毛髮。寺僧引我觀泉源。
堂東周迴百步寬。碧頗梨色湛無底。想象必有虬龍蟠。
泉南高山名鳳翅。宛轉抱泉張遠勢。岸旁脩竹踰萬竿。
颯颯長含風雨氣。寺門下望情豁然。桑柘紛披滿一川。
嵩高女几列左右。玉屋太行來掌前。昔爲孔氏懸泉莊。
巖洞猶存荆棘荒。到今其下多怪石。熊蹲豹攫爭軒昂。
嗟予歸來苦不早。汨沒朝市行欲老。捫蘿躡屣須數遊。
筋力支離難自保。

藏珠石

壘石溪東山下有墜石衍九經二尺餘其崖上脫處猶存

水齧東山根。土色渥如丹。危峯忽摧脫。半崖銜石丸。陰陽昔融結。神化不可原。初疑偃佺養。靈藥魅魍觸之無。故落又疑蛟龍伏。巨卵雷電擊之從此覆。或者女媧補天餘。卻下青冥遺耳珠。不然盤古戲爲樂。聊取天弧彈朱雀。物理萬狀終難知。巧心推求徒自疲。不如引客坐石上。好奇且醉手中卮。

陪同年吳冲卿登宿州北樓望梁楚之郊訪古

作是詩

歷代大儒詩鈔

卷十七

司馬子二

十

采蘭堂

大禹息洪潦。畫野經九州。波沈露羣山。嶷嶷相嬰鉤。淀洄澹茲土。平敞誠寡仇。乘高極回望。坦坦無陵邱。先王崇皞濟。建祀邦諸侯。玉帛從會同。赴告書春秋。六雄方逐鹿。爲羸弱姬周。茲爲會戰場。喋血無時休。漢錯削七國。禍生東南陬。亞夫閉高壁。坐折彊吳謀。典午倒太阿。關戶延旃裘。淮泗漫腥羶。房心掩旄頭。人移煙火絕。榛茂豺狼遊。唐綱日寢衰。盜起如螟螽。相攜聚萑蒲。袒臂提鉏耰。蟠薄數千里。焚劫無餘留。聖朝定多壘。劍戟包貔貅。藜藜荆棘林。膾膾良田疇。耒耜趣時雨。黍稷豐歲

秋昔爲車騎。利今睹桑麻。收我來宦東土。萑芣乘春流。行行次符離。固爲親交留。樽罍且爲樂。攜手登高樓。是時新雨餘。風日方和柔。雲鮮亂花薄。波綠迷芳洲。鷺鷥游絲轉。袞袞野陽浮。調簧語雙鷗。翻雪矯羣鷗。愛茲登臨美。況復依良儔。聊適笑言樂。盡忘羈旅憂。翔陽何冉冉。漸與西山遒。驛程前有期。戀此當何由。分首下峩峩。悵然登暮舟。

華星篇

時視役河上寄郡中諸同舍

涼風淨掃雲無迹。海月未生星。歷歷貝聯珠。貫拱北辰。

歷代大儒詩鈔

卷十七

司馬子二

上

采蘭堂

三五縱橫此何夕。重樓疊榭出秋空。鳩鵲露寒連桂宮。瑤井迴臨丹闕外。玉繩斜挂瑣窗中。征人遠別空闈悄。鐘漏蕭疎天不曉。碧紗展轉無復眠。臥視寒光度華沼。漢家賢將戍臨洮。結髮從軍今二毛。誰憐身老心猶壯。深入長占太白高。豐城古劍沈淪久。匣中夜半雙龍吼。乃知神物不自藏。紫氣依稀見牛斗。有客離居望所親。遙知清夜會荀陳。隄繇未息無由去。不及浮槎河畔人。

宿石堰聞牧馬者歌

大河之曲多寬閒。牧田枕倚長隄灣。烏栖鵲散隄樹寂。

柝木聲稀宵欲闌。牧兒跨馬乘涼月。歷歷繞羣高唱發。
幽情逸氣生自然。往往鳴鞘應疏節。歌辭難辨野風高。
似述離憂嗟役勞。徘徊不斷何妨近。髣髴微聞已復遙。
長川冷浸秋雲白。露草翻光疑碧色。星疎河澹夜初長。
展轉空亭奈孤客。洞簫音律京君明。可憐骨朽不更生。
安得使傳哀怨意。爲我寫之羌笛聲。

楊白華

勸君勿嫌楊花太輕薄。籬下溝中紛漠漠。翠鬢娘子不
勝愁。掃盡還飛滿朱閣。晚來風雨送行春天。無遊絲地
歷代大儒詩鈔卷十七 司馬子一 士 采蘭堂
無塵雪。狂絮亂安可得孤樹青青愁殺人。

道傍田家

道傍田家翁嫗俱垂白。敗屋蕭條無壯息。翁攜鎌索嫗
攜箕。自向薄田收黍稷。靜夜偷春避債家。比明門外已
如麻。筋疲力敝不入腹。未議縣官租稅促。

送李汝臣同年謫官導江主簿

得喪互循環。古今昧終始。百歲落其閒。僅與毫芒似。所
以達人心。身外不復紀。愁來若亂絲。疏解當以理。昔君
關外來。籍籍聲華起。憑案一濡毫。萬言俱落紙。老生闕

其文色若寒灰死。閣筆不能下。敢有玼瑕指。或時抵卿
相。人門俱倒屣。闔夫迎受謁。不敢揚眸視。解褐吏邊州。
長塗初進跬。蛟龍得尺水。雙骼方嶷嶷。西羌負德澤。飛
鏑聳邊鄙。添兵十萬餘。斗粟無支擬。州郡走符檄。縱橫
恣鞭箠。閭閻浪愁苦。卒食半糠粃。上官知君才。悉以儲
糧委。開倉募平糶。至者車連軌。嚴明束吏手。誘諭提民
耳。畱穀受金去。若與同儕市。弦朔未云周。露積邱山比。
曾無轉餉勞。坐飽防秋士。募府上其功。明詔深嘉美。爲
僚登九寺。長人專百里。聊用報勤劬。未言窮任使。何期
歷代大儒詩鈔

卷十七

司馬子二

三

采蘭堂

逢怨讐。意外成瘡痍。刺骨舞文法。吹毛出瑕滓。清霜五
月飛。慘烈傷蘭芷。鸞鳳失椅梧。飄泊還荆枳。聖朝方任
能。大過尙收齒。況於濟時具。暫然遭詆訾。寧因青蠅惡。
遂取瓊璠毀。良工構明堂。必不遺杞梓。勉哉益自立。勿
爲窮衰止。人生難豫期。神理無終否。庸知今日憂。不爲
後日喜。吾道誠無虧。稟坎安足恥。關山迤邐長。百劍連
天倚。縈紆結危棧。迴入雲星裏。蜀國富嬉遊。花繁春酒
旨。莫作弔原文。投之岷江水。

滑臺古鎮揭高牙。主人賢厚賓友嘉。公庭退休射堂飲。
水沈綠李浮甘瓜。清言妙諭閒詼譁。笑語往返何喧譁。
別來汎濫若浮梗。塵愁俗累稠於麻。提鞭俄誤蓋觸風
日。慘澀滿眼飛埃沙。朱門湛湛果深淺。門外日擁千餘
軍。閤人未肯卽通刺。指彈手版景欲斜。就令入見亦何
事。氣象渺邈凌青霞。圍碁角智賭勝負。拙者理與功名
賒。捨之歸入戶庭隘。仰視青天如井蛙。後檐數尺地荒
穢。不翦欲令生薺花。當春寂寂但如此。意恐至外逢紛
華。奈何勝友百餘里。不可一見如天涯。何時更共把卮
歷代大儒詩鈔卷十七

司馬子二

十四

采蘭堂

酒側身北望空咨嗟。

和之美舟行雜詩八首

舟中夜坐二首

風柳動蕭疎。寒星浸寥落。中宵四寂然。時有遊魚躍。
汀沙落席帆。岸柳縈單舸。小市遠微茫。簇水初登火。
船行遇風

蔡水僅成波。不若江湖濬。誠無傾側憂。纜弱終難進。

野花

墮暄桃李蹊。何妨笑幽草。但願保天真。徐共春風老。

水鴨

離縱出短蒲。毳毳浴清水。物忌太鮮明。何妨染泥滓。

魚鷹

翩然下林表。不憚風湍惡。得雉輒高飛。為君羞擊搏。

魯魚者

弱篠徒輕絲。盡日寒溪側。獲少近知無。溪魚皆爾識。

花庵詩寄邵堯夫

時任西京留臺廨舍東新開小園無亭榭乃構木插竹多

種醱醱實相及牽牛扁豆諸蔓延之物使蒙霽其上如棟宇之狀以為遊涉休息之所目

曰花庵

歷代大儒詩鈔

卷十七

司馬子二

五

采蘭堂

洛陽四時常有花。雨晴顏色秋更好。誰能相與共此樂。

坐對年華不知老。

自然天物勝人為。萬葉無風綠四垂。猶恨簪紳未離俗。

荷衣蕙帶始相宜。

寶鑑貽開叔

流塵集寶鑑。塵昏鑑不昏。織泥落清水。泥渾非水渾。人

能辨二物。相與自忘言。二物不能辨。悠悠何足論。無為

捨其內。逐外取煩冤。

送藥栽與王安之

盛夏移藥栽。及雨方可種。爲君著屐取。呼童執傘送。到時雲已開。枝葉猶重。夕陽宜屢澆。又須煩抱甕。

張明叔兄弟雨中見過弄水軒投壺賭酒薄暮

而散詰朝以詩謝之

嘉君午際來。涼雨正紛紛。呼奴掃南軒。壺席謹量度。軒前紅薇開。壺下鳴泉落。

虎爪泉上覆之以板每投壺板上設榻繞之榻去壺各二矢半

必爭如五射。有禮異六博。求全怯垂成。倒置畏反躍。

新格

倒中者壺中之算盡廢之雖無百驍巧。且有一笑樂。交飛觥酒滿。強進盤餐薄。苟非興趣同。珍殺徒綺錯。

歷代大儒詩鈔

卷十七

司馬子二

六

采蘭堂

螢

林塘荒溼地。向夕已飛螢。月沒蛩吟砌。露涼人在庭。隨風疑落燼。過水亂疎星。學子燈前寢。誰將爾照經。

蓮房

蓮房前後熟。供噉不須齊。肉嫩山蜂子。稜深天馬蹄。尚連餘葉在。深映亂荷低。脆美知新采。近根猶帶泥。

古墳

茫茫野田平。極目歷歷古墳如。夏屋碑版無文荆棘深。石獸沈淪松柏禿。問人雖不知姓名。昔皆高官仍厚祿。

子孫流落何所之。凶吉當年非不卜。我來正值寒食天。祭膳不設無人哭。

酬趙少卿

丙字南正

藥園見贈

鄙性苦迂僻。有園名獨樂。滿城爭種花。治地惟種藥。栽培親荷鍤。購買屢傾橐。縱橫百餘區。所識恨不博。身病尚未攻。何論療民瘼。

登封龐國博

元常字懋德

年三十八自云欲棄官隱

嵩山作吏隱庵於縣寺俾光賦詩勉率塞命

懋德負長才。全牛不足剗。纔爲百里宰。驥足殊未展。齒

歷代大儒詩鈔

卷十七

司馬子二

七

采蘭堂

髮方盛彊。趣尚已高遠。結庵眠二室。志欲巢絕巘。賢人心如雲。無迹有舒卷。不須驚俗目。卓犖乃求顯。既知吏可隱。何必遺軒冕。

暮春同劉伯壽史誠之飲宋叔達園

絮狂飛作團。梅小不多酸。共惜春餘好。更窮今日歡。清流入花底。翠嶺出林端。嫩筍玉縈筋。新櫻珠照盤。邀迎嘉客易。會合故人難。寄語門前僕。驂驪任解鞍。

用前韻再呈

舊友今餘幾。追思鼻可酸。休論身外事。且盡目前歡。薛

荔垂隄面。餘醪擁席端。舞精抽繭緒。絃妙落珠盤。醇酒
回春易。靈丹卻老難。扶歸不復記。酩酊上金鞍。

示道人

天覆地載如洪鑪。萬物死生同一塗。其中松柏與龜鶴。
得年稍久終摧枯。借令真有蓬萊山。未免亦居天地閒。
君不見太上老君頭似雪。世人浪說駐童顏。

送張伯常同年移居郢州

楚江白逶迤。楚山碧參差。玉炊稻粒長。縷切魚腴肥。羨
君盡室行。飄然無所羈。伐竹營茅茨。種橘爲藩籬。荒陬
歷代大儒詩鈔卷十七 司馬子二 十八 采蘭堂
無四垣。但以荷塘圍。官雖朝大夫。身世已相遺。野老坐
爭席。林叟談忘歸。猶嫌沮溺徒。名字爲人知。

南園飲罷留宿詰朝呈鮮于子駿范堯夫尋弟

園僻青春深。衣寒積雨闌。中宵酒力散。卧對滿窗月。旁
觀萬象寂。遠聽羣動絕。只疑玉壺冰。未足比明潔。

招鮮于子駿范堯夫

虛牖延朝光。高林散晴靄。深夏猶清和。閒齋亦爽塏。離
羣纔宿昔。跂佇心已痲。楸枰頗光潔。置設儼相待。軒車

能竭來。雞黍足充餼。

和鮮于子駿秋意

好風自遠來。小雨初濡地。雖當朱夏半。已有清秋意。新蟬乍孤吟。病葉或先墜。頓覺愈沉痾。暫喜濯炎熾。彩筆動高興。瑤徽發幽思。賤子獨何爲。宵涼甘熟寐。

龍門

石樓臨晴空。南眺出千里。人憐山氣佳。予歡禹功美。想彼未鑿時。極目皆洪水。誰知耕桑民。幸免魴與鯉。

坐中呈鮮于子駿范堯夫

六言

歷代大儒詩鈔

卷十七

司馬子二

十九

采蘭堂

微雨雖妨行樂。薄寒卻解畱花。今日且遊小圃。明朝更向誰家。

和范景仁緱氏別後見寄求決樂議雖用其韻而不依次蓋以景仁才力高逸步驟絕羣非驚拙所能追故也

至樂存要眇。失易求之難。昔從周道衰。疇人曠其官。聲律久無師。文字多缺漫。仁皇閔崩壞。廣庭集危冠。紛紛鬪筆舌。異論誰能禪。或欲徇陳迹。竅厚潛鏤剡。或欲立私意。妄取舊史刊。古今互齟齬。大抵皆欺調。景仁信其

說墨守不可干。賤子欲面從。誰與換膽肝。必求此議決。
深谷爲崇巒。何如兩置之。試就中和看。天地育萬物。生
成適暄寒。聖人保四海。皇極致阜安。樂理亦如此。炳煥
猶朱丹。擘緩與。噍殺折衷遺。兩端茲道苟不由。芒刃難
嬰醜。魯樂最爲備。雍徹施三桓。齊韶猶肄習。太公避陳
完。唐民聽伴侶。不復含悲酸。乃知樂有源。鍾鼓皆波瀾。
昨者清明初。榆火始改鑽。景仁從許來。傾都咸聚觀。諸
公競邀迓。非獨惜春殘。議樂不復對。晝夕且窮歡。來時
桃李穠。去日芍藥闌。三旬只須臾。駛若阪上丸。輟轅逢
歷代大儒詩鈔

卷十七

司馬子一

三

采蘭堂

雨別。恁悅歸騎單。東西步步遠。回首祝加餐。仍冀勉中
和。心廣體自胖。

和韓秉國招范景仁飲景仁不知云方作書與

光論樂

小桃佳李實如拳。西湖盡眼鋪芳蓮。景仁不從鄉賢飲。
爲此樂論方窮研。周衰官失疇。人散鍾律要眇誰能傳。
近人欺衆出私意。最可閔笑房生顛。如光初不辨宮羽。
是非得失安敢專。每煩教諭累百紙。頑如鐵石不可鑄。
王李阮胡相詆毀。各執所學何妨偏。景仁家居鑄補斛。

欲除民瘼恐未然。要須中和育萬物。始見大樂之功全。
同鮮于子駿題和樂亭

春禽弄晴朝。秋蟲吟雨夕。風和振蘭芳。露寒滋菊色。萬
物苟得所。隨時各有適。矧伊人最靈。胡爲長戚戚。聖人
垂大訓。燦爛著方冊。至樂和無聲。大禮簡無跡。心專守
中庸。身不蹈邪僻。造次常在前。須臾不離側。窮通雖百
變。何往不自得。茲亭聊寓名。和樂在胸臆。

王君貺宣徽垂示嵩山祈雪詩十章合爲一篇

以醅之

歷代大儒詩鈔

卷十七

司馬子二

三

采蘭堂

今秋少雨冬不雪。麥寄浮埃根欲絕。聖主焦心閱萬民。
負辰不怡常膳撤。詔書朝下徧九州。岳瀆百神俱禱求。
西都畱守虔君命。促駕不敢須臾畱。嵩高萬仞蟠地中。
海內衆山無與雄。前驅大旆擁千騎。波騰雲涌來祠宮。
牲肥酒香邊豆潔。盛服齋明薦毛血。有司執事皆肅然。
寶帳神來風宰屑。公心猶畏九閭遙。丹誠不得通青霄。
分畱導從屯林麓。別張醮具登山椒。山椒迢遞峻無極。
行挽枯藤蹋危石。萬室嗷嗷愁死飢。敢憚劬勞愛餘力。
天門上出俄坦平。下視一世塵杳冥。焚香拜手傾懇惻。

左右前後皆列星。公今三守三川地。咫尺嵩高未嘗至。
詰朝旣畢祠祀嚴。暫轉鳴珂歷諸寺。少林昔爲達摩居。
達摩英靈今有無。庾辭流散滿天下。競以兩手捫空虛。
法王魏氏離宮舊。玉刻狻猊猶有子孫宗。廟皆塵灰。
止見伽藍存不朽。會善庭隅千歲松。一根二股凌寒空。
勢如鼎足爭秀出。冷冷永夜吟霜風。少室先生樂閒暇。
棄官來家玉峯下。昔爲浪泊據鞍人。今結東陵賣瓜舍。
溪上有堂名掛冠。四垣重複皆林壑。呼兒掃地喜公到。
隨分絃歌畱盡歡。周王太子名聞久。相傳羽化緱山首。
歷代大儒詩鈔

卷十七

司馬子二

三

采蘭堂

鶴飛笙遠宵無迹。遺廟今人空漉酒。公來本不事遨嬉。
周流閭里詢疲羸。親呼合長囑赤子。勿貪榮利窮鞭笞。
境中羣望無不走。回轡仍過鑿龍口。奉先暮投林日曛。
洎澗晨征轍冰厚。歸來新詩盈一編。明珠大貝相屬聯。
此行雖不從公後。歷歷勝遊皆目前。

酬吳仲庶龍圖終南山詩

泰山魯所瞻。終南乃秦望。西侵并絡澗。北壓鶉野曠。條
梅韜名材。金玉富珍藏。飄風何烈烈。萬物盡搖蕩。屹立
不傾倚。勢與厚坤壯。有如牧伯賢。斯民蒙保障。雪霜舉

世寒千里獨重纊。病夫伏閭里。非能事微尚。顧無孤高實。藻飾安可強。景行雖不忘。詎敢承嘉貺。

酬永樂劉祕校

唐

四洞詩

貧居苦湫隘。無術逃炎曦。穿地作幽室。頗與朱夏宜。寬者容一席。狹者分三支。芳草植中唐。嘉卉周四垂。詎堪接賓宴。適足供兒嬉。自問安取法。前修果慕誰。非如太古民。營窟避寒威。又非學射人。空石專致思。又非沮漆俗。陶復習西夷。又非楚司馬。金奏相賓儀。又非鄭伯有。壑谷甘糟醢。又非越王子。丹穴免憂危。又非張巨和。崇厯代大儒詩鈔

卷十七

司馬子二

三

采蘭堂

巖立師資所。慕於陵子欲。效蚓所爲微。竅足藏身槁。壤足充飢養生。旣無憾此外。安敢知唯祈膏澤。布歌嘯樂餘滋。豈羞泥塗賤。甘受高明嗤。何言清尚士。善頌形聲詩。困剝固未嘗。井復敢終辭。

瞻彼南山詩

瞻彼南山有椈有棠。維葉牂牁。君子之燕。邊豆洋洋。鼎俎將將。百羞阜昌。上下樂康。邦家之光。君子萬年。撫有四荒。受祿無疆。瞻彼南山有楛有柎。維葉潛潛。君子之燕。清酒有藇。壺樽有楚。酌言賜之。命之醕之。上下以序。

君子萬年永綬兆民受天之祐瞻彼南山有杞有樾維
葉逢逢君子之燕管絃雍雍奏鼓鑿鑿自堂徂庭上下
肅雍靡有不恭君子萬年令德高明高明有融赫赫明
明天命有嚴命我祖考九土是監倭駟之東蠻蠻之南
享獻允時靡敢不詹闕茲餘文複閣巖巖萬世是承四
方是瞻帝曰卿士左右之臣四方無虞矜爾之勤式觀
且遊從子一人于壺于閣于堂于陳金石之符翰墨之
珍匪予汝夸祖考之勲多士庶尹羣公百辟拜手稽首
答揚休德既醉既飽慎思爾職罔顧爾私罔愛爾力惇
歷代大儒詩鈔卷十七 司馬子二 五 采蘭堂
忠祇敕永奉丕則立民之極載祀千億

杕柏寄傳欽之

彼杕者柏生于崇巒其葉九丸君子爰處爰處爰遊匪
憂勿憂其樂休休彼都者蘭生于幽涯其華菲菲君子
爰處爰處爰嬉靡適弗宜忘其渴飢洋洋者舟汎彼中
流于渚于洲思其可思知其可知其逝勿追其來勿期

園櫻

園櫻傷老也

園有繁櫻圃有肥菁我酒既清我殺既馨我友戾止聊

以娛情。今我不樂。日月其征。
園有穠李。圃有肥杞。我酒旣旨。我殽旣美。我友戾止。改
憂爲喜。今我不樂。年有其幾。
園有弱柳。圃有肥韭。我酒旣有。我殽旣阜。載笑載歌。以
宴我友。今我不樂。年其無久。
悠悠汎舟。載縱載橫。白日將傾。飄風載驚。嗟我老矣。髮
脫齒零。胡爲百憂。勞此餘生。

戲下歌

項王初破函關。兵氣壓山河。風火明旌旗。金鼓四十萬。

歷代大儒詩鈔

卷十七

司馬子二

三五

采蘭堂

夜泊鴻門期曉戰。關東席卷五諸侯。沛公君臣相視愁。
幸因項伯謝前過。進謁不敢須臾留。椎牛高會召諸將。
寶劔泠泠舞席上。咸陽灰燼義帝遷。分裂九州如指掌。
功高意滿思東歸。韓生受誅不復疑。區區蜀漢遷謫地。
縱使倒戈何足爲。

海仙歌

東望海波蒼茫浩渺無所極。高浪洪濤黯風色。翻星倒
漢天地黑。陰靈出沒互相索。東方曠曠景氣清。慶雲合
沓吐赤精。蓬萊瀛洲杳如萍。遙觀五樓十二城。羣仙劔

佩朝玉京祥風縹渺鈞天聲彩幢翠蓋煙霞生鸞歌鳳
舞入帝鄉紫麟徐驅白鶴翔餐芝茹朮飲玉漿千年萬
年樂未央

孟嘗君歌

君不見薛公在齊當路時三千豪士相追隨邑封萬戶
無自入椎牛醢酒不爲貨門下紛紛如市人鷄鳴狗盜
亦同塵一朝失勢賓客落唯有馮驩西入秦

燕臺歌

萬古蒼茫空盛衰燕臺賢客姓名誰君看碣石崑草
歷代大儒詩鈔卷十七 司馬子二 二六 采蘭堂
寧似昭王擁筴時黃金散盡餘基沒易水蕭條烽火飛

送伊闕王大夫人歌

吁嗟古之道邈旣遠兮日陵夷而就衰羣儒角逐異端
競進兮聖塗榛枳幽昧而難知君獨恥從衆人之後兮
軒然高舉遠取而窮追撥去虹蜺汎掃氛濁兮廓然迺
得睹夫朝曦授邑於雒之南兮始者旣學今得而施歸
風俗於醇厚兮又何西門卓魯之足爲消奸化桀折牙
杜蘅兮寂不知其所之何者爲令之德兮黃童俯首接
手而遊嬉菽粟露積牛羊被莖兮百里獨比於太古之

時予願解冠棄佩兮受一屬於伊之椹蓑身笠首兮同
邑民以熙熙

和錢君倚日本刀歌

昆吾道遠不復通。世傳切玉誰能窮。寶刀近出日本國。
越賈得之滄海東。魚皮裝貼香水鞘。黃白閒雜鋤與銅。

賈人云真鋤似金真銅似銀

百金傳入好事手。佩服可以攘祲凶。傳

聞其國居大島。土壤沃饒風俗好。其先徐福詐秦民。采
藥淹留童叟老。百工五種與之俱。至今器用皆精巧。前
朝貢獻屢往來。士人往往工辭藻。徐福行時書未焚。逸

歷代大儒詩鈔

卷十七

司馬子三

三七

采蘭堂

書百篇。今尚存。令嚴不許傳。中國舉世無人識。古文嗟
予。乘桴欲往學。滄波浩蕩無通津。令人感嘆坐流涕。鏞
澀短刀何足云。

風林石歌

蔡著作抗字子直得此石於朱陽山

聞君家有風林石。鐫刻無痕畫無迹。靡然合勢俱左傾。
偃蹇常如負風力。置之坐側野意生。靜聽若有颼颼聲。
忽疑身世在邱壑。使我蕭然無俗情。黃金白璧豈非好。
子直視之不爲寶。

天馬歌

大宛汗血古共知。青海龍種骨更奇。網絲舊畫昔嘗見。不意人間今見之。銀鞍玉鐙黃金轡。廣路長鳴增意氣。富平公子韓王孫。求買傾家不知貴。芙蓉高闕北向開。金印紫綬從天來。路人回首無所見。流風瞥過驚浮埃。如何棄置歸阜棧。踠足垂頭困羈絆。精神慘澹筋骨羸。舉目雙精猶璀璨。伏波馬式今已無。子阿肉腐骨久枯。舉世無人相騏驥。憔悴不與駑駘殊。神兵淬礪精芒在。寶鑑遊塵肯終晦。君今鬢別被鳴鸞。尚能騰踏崑崙外。

歷代大儒詩鈔

卷十七

司馬子二

三八

采蘭堂

際岐謹案詠馬詩惟少陵諸長篇極淋漓跌蕩之致今司馬子天馬歌風格正自不減而其中如芙蓉高闕北嚮開金印紫綬從天來等句則尤見壯麗也

苦寒行

窮冬北上太行嶺。霰雪糺結風崢嶸。熊潛豹伏飛鳥絕。一逕僅可通人行。僮飢馬羸石磴滑。戰慄流汗皆成冰。妻愁兒號強相逐。萬險歷盡方到并。并州從來號慘烈。今日乃信非虛名。陰煙苦霧朝不散。旭日不復能精明。跨鞍纜轡趣上府。髮拳鬚磔指欲零。炭爐炙硯湯涉筆。重複畫字終難成。誰言醇醪能獨立。壺腹迸裂無由傾。石脂裝火近不熱。蓬勃氣入頭顱腥。仰慙鴻鴈得自適。

隨陽南去何冥冥。又慙鴛鳥識時節。巖穴足以潛微形。
我來蓋欲報恩分。契濶非徇利與榮。古人有爲知己死。
只恐凍骨埋邊庭。中朝故人豈念我。重裘厚履飄華纓。
傳聞此北更寒極。不知彼民何以生。

楚宮行

楚王宮中夜未央。清歌祕舞會華堂。木蘭爲柱桂爲梁。
隨珠和璧爛同光。橫吹乍鳴秋竹裂。繁絃初度春雨歇。
九微火樹垂垂滅。羅衣紛紛玉纓絕。滿朝冠劍東方明。
宮門未啟君朝醒。秦關日夜出奇兵。武安君火照夷陵。

歷代大儒詩鈔

卷十七

司馬子二

二十九

采蘭堂

洛陽少年行

銅駝陌上桃花紅。洛陽無處無春風。青絲結尾連錢驄。
相從射獵北邙東。流鞭縱騎未云畢。青山團團載紅日。
雲分電散無影迹。黃鷄未鳴已復出。

將軍行

赤光滿面脣激朱。虬鬚虎額三十餘。腰垂金印結紫綬。
諸將不敢過庭除。羽林精卒二十萬。注聽鉦鼓觀麾旗。
肥牛百頭酒萬石。爛漫一日供歡娛。自言不喜讀兵法。
智略何必求孫吳。賀蘭山前烽火滿。誰令小虜驕慢延。

須臾

緱山引

王子吹笙去不還。當時舊物唯緱山。山深樹老藏遺廟。
春。月。秋。風。空。自。閒。轅。轅。左。界。連。商。雒。碧。瓦。朱。欄。露。華。薄。
經。時。掩。戶。庭。草。深。水。盡。無。人。澗。花。落。徘徊未下日將西。
遙望嵩陽煙景微。鶴馭飄飄向何許。林閒空見白雲飛。

烏栖曲二首

風透金鋪結綺錢。穿簾入幌舞垂蓮。可憐無人夜不曉。
起視西窗月華皎。

歷代大儒詩鈔

卷十七

司馬子二

三

采蘭堂

星疎月明漏水長。羅帷翠帳華燈光。佳人起舞玉釵墮。
門外烏棲鴈南過。

和王介甫明妃曲

胡雛上馬唱胡歌。錦車已駕白橐駝。明妃揮淚辭漢主。
漢主傷心知奈何。宮門銅鑲雙獸面。回首何時復來見。
自嗟不若往巫山。布袖蒿簪嫁鄉縣。萬里寒沙草木稀。
居延塞外使人歸。舊來相識更無物。只有雲邊秋鴈飛。
愁坐冷泠調四絃。曲終掩面向胡天。侍兒不解漢家語。
指下哀聲猶可傳。傳徧胡人到中土。萬一他年流樂府。

妾身生死知不歸。妾意終期寤人主。目前美醜良易知。
咫尺掖庭猶可欺。君不見白頭蕭太傅。被讒仰藥更無
疑。

憫獄謠

五刑象天有震耀。上聖本以防姦邪。法官由來少和泰。
皐陶之面如削瓜。況於秦漢任酷吏。死人籍籍如亂麻。
捶楚之求靡不得。小者劓刖大滅家。君不見古時牢獄
地。幾多冤骨埋黃沙。

宮漏謠

懋代大儒詩鈔

卷十七

司馬子二

三

采蘭堂

宮漏清高處處聞。六街寂寂夜將分。南下河梁緬詰曲。
北瞻禁闕鬱繽紛。黃金鎖閉斗城斜。白玉樓通上帝家。
若木末光潛日月。神仙不動積煙霞。銅壺銀箭夜何長。
杳杳亭亭未遽央。複道迴廊接西掖。千門萬戶遙相當。
宛轉徘徊不能駐。復出宮城透宮樹。宮樹烏飛月欲西。
燭光一道照沙隄。龍騎聯翩擁闔闔。鳳帷岑寂對狻猊。
廣庭肅肅延冠帶。劍佩崢嶸百神會。施政發令四海
春。廟堂垂衣天寓泰。

窮兔謠二首

鵲翅崩騰來九霄。兔命迫窄無所逃。秋毫就死忽背躍。
鵲拳不中還飛高。安知韓盧復在後。力屈但作嬰兒號。
少年只取一快樂。誰念草根腥血毛。

兔營三窟定何在。棘閒塹底高邱巔。卻行百步方躍入。
未免餘蹤畱雪田。少年何爲無惻隱。解鷹縱犬薰以煙。
人言兔狡非兔狡。窘急偷生真可憐。

張子厚先生哀辭

名載

先生負材氣。弱冠遊窮邊。麻衣揖鉅公。決策期萬全。謂
言叛羌背。坐可執而鞭。意趣小參差。萬金莫畱連。中年

歷代大儒詩鈔

卷十七

司馬子一

三

采蘭堂

更折節。六籍事精研。羲農訖周孔。上下皆貫穿。造次循
繩墨。儒行無少愆。師道久廢闕。模範幾無傳。先生方振
起。不絕尚聯綿。教人學。雖博要以禮爲先。庶幾百世後。
復覩三王前。釋老比尤熾。羣倫將蕩然。先生論性命。指
示令知天。聲光動京師。名卿爭薦延。真之石渠閣。豈徒
修簡編。丞相正自用。立有榮枯權。先生不可屈。去之歸
臥堅。孤婺聚滿室。餬口耕無田。欣欣茹藜藿。皆不思肥
鮮。近應詔書起。尋取病告旋。舊廬不能到。丹旄風翩翩。
人生會歸盡。但問愚與賢。借令陽虎壽。詎足驕顏淵。况

於朱紫貴。飄忽如雲煙。豈若有清名。高出太白巔。門人俱經帶。雪涕會松阡。厚終信爲美。繼志仍須專。讀經守舊學。勿爲利祿遷。好禮效古人。勿爲時俗牽。修內勿修外。執中勿執偏。當令洙泗風。郁郁滿秦川。先生儻有知。無憾歸重泉。

景福殿東詩

皇祐元年作

皇祐元年秋八月皇帝臨策賢良方正及武舉進士僕與范景仁受詔讐校策卷寓直於

景福殿東廂凡三日得詩十三首編之左方

歷代大儒詩鈔

卷十七

司馬子二

三五

采蘭堂

夜意

清夜四無譁。深嚴上帝家。星翻珠網白。斗挂玉樓斜。風靜虛成韻。霜輕未作花。還疑漢津客。浩蕩寄流槎。

卽日

榜楫留深殿。倉琅祕九門。日長人對直。風迴鷺高翻。林有蕭疎意。雲無片縷痕。鈞天真自到。不獨暫飛魂。

柏

落落抱高節。秀出青雲端。無言礪谷幽。自致宮庭難。芳風襲玉宇。餘露分銅槃。不使萬年木。嘉名高歲寒。

御溝

萬戶鬱相鉤。枝分瑟瑟流。縈紆通桂觀。隱見帶龍樓。碧
映千林曙。紅飄一葉秋。寒波長不竭。歲歲奉宸遊。

賜酒

和氣盈金榼。恩光湛玉觴。應知北山羽。猶怯上林霜。醇
味回秋色。清都近醉鄉。山茅霑雨露。誓極寸心長。

菊

瑣瑣南陽菊。秋潭歲自開。孤根擁紅葉。落藥媚蒼苔。正
以參靈藥。因之植紫臺。願兼金掌露。同入柏梁杯。

歷代大儒詩鈔

卷十七

司馬子二

三四

采蘭堂

賜果

南海荔枝來別館。蒲萄成匪頒。浹下陳。捧拜同驩榮。置
黍敢先食。臨槃多未名。懷核待歸種。復愁千歲生。

賜書

上聖固天縱。英藝皆絕倫。時乘萬幾閒。翰動如有神。用
之當豫遊。不忘安四民。匪頒及羣下。絡繹來中宸。瑤毳
靈鳳翔。鬱怒虬龍振。清若四海秋。熙如天下春。愚臣土
芥微。亦受雨露均。願推賜書意。直以古義陳。士本學先
王。所求誼與仁。農當服稼穡。昏作菑畝勤。百工備用器。

不治刺繡文。萬商遷有無。不通珠翠珍。四業既交修。坐令風化純。人和衣食豐。天應殊祥臻。皇心正在此。非以能高人。

怪石

昔去江湖鄉。來與松桂接。圭角老龍脊。鋒稜秋劔缺。厯亂枯苔點。交橫敗莎葉。會使成都人。更取神著揀。

未開木芙蓉

木末采芙蓉。騷人歌所無。何言霜花豔。不與水芝殊。香苞麝臍結。茂葉桐陰敷。豈若龜巢類。飄零老五湖。

歷代大儒詩鈔

卷十七

司馬子二

三五

采蘭堂

讀武士策

漢家求猛士。雲集未央宮。天外胡星沒。山西將種空。奇謀紛並進。壯節凜生風。八陣縱橫勢。依然見目中。

觀試騎射

聞闔風正清。觚稜日初媚。材雄集便殿。玉座親臨視。三河俠少兒。初識天子貴。天山汗血驕。蹀躞金銀轡。揚鞭秋雲高。顧盼有餘銳。縈回勢可觀。罄控動如志。毫釐應心目。審固參身臂。鳴絃電雹驚。寸的冰瓦碎。龍顏薄笑春。喜色連傍侍。且爲徒步人。暮作影纓使。揚揚出九門。

親。友。生。意。氣。須。知。天。地。德。慎。勿。忘。所。自。黠。羌。猶。族。拒。獫
狁。方。繁。熾。求。爲。忠。義。臣。無。負。搜。羅。意。

同范景仁寄修書諸同舍

烈。火。非。不。猛。不。耗。百。鍊。金。寒。霜。非。不。嚴。不。彫。竹。柏。林。小
人。勢。利。合。傾。覆。無。常。心。君。子。道。德。親。白。首。猶。視。今。諸。君
閨。臺。秀。相。得。如。璆。琳。離。羣。一。昔。期。乃。爾。動。悲。吟。古。風。久
已。衰。交。道。日。頽。侵。願。名。思。友。操。播。之。清。徽。琴。

和聶之美諷古

二首

曲。逆。從。漢。祖。出。奇。誰。與。讓。一。朝。寄。天。下。不。及。王。陵。贗。

歷代大儒詩鈔

卷十七

司馬子二

三六 采蘭堂

海。客。久。藏。機。鷗。知。人。未。知。如。何。毫。末。利。管。鮑。亦。相。欺。

和之美二貧詩

君。子。尙。仁。義。寶。用。爲。身。資。其。人。苟。不。賢。富。饒。亦。胡。爲。所
以。回。憲。徒。不。厭。糠。與。藜。當。時。萬。金。產。令。名。傳。者。誰。之。美
初。解。褐。爲。吏。長。河。湄。月。得。數。斗。祿。僅。足。供。饘。糜。謂。言。家
無。寶。不。必。修。藩。籬。囊。衣。不。自。暖。乃。爲。偷。意。窺。穿。墉。入。其
室。探。取。無。纖。遺。從。事。借。之。帶。同。列。乞。其。衣。日。高。服。未。具
不。敢。踰。門。畿。蕭。條。四。壁。寒。獨。立。空。自。嗤。援。毫。引。幅。紙。書
作。二。貧。詩。上。言。運。命。遭。溫。飢。無。時。期。下。嗟。職。事。勞。舊。學

日以隳。乃知賢者心。不獨憂寒飢。壤坎雖益多。志業終無衰。我實甚貧者。視君猶白圭。行年三十餘。碌碌無他奇。庇身太學官。旦夕唯鹽齏。讀君二貧作。我事借君詞。君誠士林秀。不免青衫卑。滿腹豈無才。抱蓄未有施。不用固爲小。用之活蒸黎。如君有此富。豈必藏珠璣。財貧非道貧。已矣何嗟咨。

送薯預苗與興宗

客從魏都來。貽我山薯實。散之膏土間。春苗比如櫛。吾家庭戶狹。樹藝苦其密。危根遞扶戴。怒牙猶佛鬱。興言歷代大儒詩鈔

卷十七

司馬子二

三七

采蘭堂

念伊人好嗜與我一家薯桐君書喜觀汜氏述雖爲簪帶拘雅尚林樊逸分獻取其誠豈容羞薄物況聞知藥者餌此等苓朮願益君子年康直體無疾散誕得寬壤繁大宜無日蕭梢新蔓抽萃尊故叢失入冬霜霰嚴葉落培可出伸如猿臂長拳若熊蹯脂拾木爨銅鼎相期聚書室誰得與其徒谿茶與山栗

送冷金牋與興宗

蜀山瘦碧玉蜀土膏黃金寒谿漱其間演漾清且深工人藹穉麻擣之白石砧就溪漚爲紙瑩若裁瓊琳風日

常清和小無塵滓。侵時逐賈舟來。萬里巴江。潯王城壓
汴流。英俊萃如林。雒文溢箱篋。爭買傾奇琛。夫君乃冠
冕。辭氣高千尋。十載爲舉首。於今猶陸沉。嗟我蓄此紙
才藻不足任。願以寫君詩。益爲人所欽。縞帶豈多物。足
明同好心。黃鐘聲如雷。豈病無知音。請以此爲質。他年
神所臨。華軒策駟馬。慎勿忘遺簪。

和端式十題

春塘水

春塘含薄冰。浙漑隱隈曲。晴日謝寒芒。柔風折哀玉。草
歷代大儒詩鈔卷十七
司馬子二 三八 采蘭堂
樹曾未知。波光已先綠。

煙際鍾

蒼茫返照收。霽歷寒煙起。前山黯同色。不辨峯巒美。獨
有遠來鍾。悠揚翠微裏。

汀洲蘋

秋江闕澹蕩。波急枝難定。參差碧葉繁。皎潔寒花靜。幽
人吟不歸。獨立汀洲暝。

漁洲火

漁翁繫葉舟。遠映楓林宿。手攜雙白魚。呼兒爨山竹。深

夜寂無人明滅寒江曲。

寒溪石

穹石正嶄岩。寒流更清急。霜飛敗葉擁。波濺蒼苔溼。谿
僧勿劇來。沙鶴方孤立。

幽谷泉

深谷宵無底。空聞泉水哀。時因秋日照。微見碧縈回。谷
裏非人境。胡麻何處來。

秋原菊

高原向搖落。叢菊始滋榮。草際浮金碧。照人雙目明。何
歷代大儒詩鈔卷十七
司馬子一三五 采蘭堂
須天生理。玉葦泛餘英。

垂崖鞭

山竹引春根。垂透蒼崖底。綢直老龍鬚。屈佶脩蛇尾。支
郎雖畜馬。不忍裁爲箠。

古木陰

古木夏陰薄。蕭蕭蠹葉微。豈無綠樹濃。愛此風煙姿。高
僧此休息。肩倚瘦筇枝。

天外峯

飛鳥去不息。長空黯何極。疎峯帶夕暉。點綴秋天碧。禪

觀坐超然相望兩沈寂。

超然臺詩寄子瞻學士

使君仁智心。濟以忠義膽。嬰兒手自撫。猛虎鬚可攬。出
牧爲龔黃。廷議乃陵黯。萬鍾何所加。餽石何所減。用此
始優遊。當官免阿諂。曩時守高密。民安吏手斂。乘閒爲
小臺。節物得周覽。容膝常有餘。縱目皆不掩。山川遠布
張。花卉近綴點。筵賓殺核旅。燕居兵衛儼。比之在陋巷。
爲樂亦何歎。可笑夸者愚。中天猶慘慘。

古今道路

歷代大儒詩鈔

卷十七

司馬子二

早

采蘭堂

出門道路多縱橫。不我測我今欲遠行。須問曾行客。徐
徐逢路人。咨問青松側。客曰君何往。答曰遊京邑。客乃
指要路。而言行有益。古路雖大道。不如今路直。但行今
人路。猶如假羽翼。彼客別我去。獨自踟躕立。爲見今古
路。無乃須差忒。今路足輪蹄。古路饒荆棘。欲行今人路。
恐背古人迹。擬行古人路。今人笑迂僻。又擬不出門。奈
有飢寒逼。哀哀於此情。悠悠蒼天色。不避今人嫌。路須
行古陌。古陌雖然遠。且保無厥失。勉哉自勉哉。前古難
知識。不復見楊朱。萬古凝愁魄。

憶同尋上陽故宮路

上陽門外雲連草。車馬遙遙往來道。昔王遊豫幾何年。今人豈識當時好。明珠翠羽已成塵。道上行人幾番老。當時秋天落宮槐。今此婆娑皆合抱。

秋意呈鄒幾冲卿

新涼入閭巷。舊暑何人掃。筠籠賣紅蓮。莎階墜丹棗。蕉衫日以疎。紈扇安能好。蟬悲西風樹。燕亂斜陽草。此意屬淵明。籬邊幾樽倒。

歷代大儒詩鈔

卷十七

司馬子二

聖

采蘭堂

江南

揚州府梅花書院孝廉堂

受業諸子重校

歷代大儒詩鈔卷十七

